

玉機微義卷之二十

積聚門

諸經敘積之始

黃帝針經百病始生第三云積者蓋厥氣生豆悅悅生脛寒脛寒則血脉凝滯凝滯則寒氣上入於腸胃入於腸胃則膜脹膜脹則腸外之汁沫迫聚不得散日以成積卒然多飲食則腸滿起居不節用力過度則絡脉傷陽絡傷則血外溢血外溢則衄血陰絡傷則血內溢血內溢則後血腸胃之絡傷則血溢於腸外有寒汁沫與血相搏則并合凝聚不得散而成積矣或外中於寒內傷於憂怒則氣上逆氣上逆則六輸不通溫氣不行凝血蘊裹不散津液凝滯必著而不去而成積矣

難經曰肝之積名曰肥氣見後下云以季夏戊己日得之何以言之肺病傳於肝肝當傳脾脾季夏適壬壬者不受邪肝復欲還肺肺不肯受故留結為積故知肥氣以季夏戊己日得之心之積名曰伏梁云云脾之積名曰痞氣云云肺之積名曰息賁云云腎之積名曰奔豚云云並見本文

按滑氏本義曰越人之意蓋以五行之道推其理勢之所有者演而成文耳初不必論其情感亦不必論其還不還與其必然否也讀者但以所勝傳不勝及王者不受邪遂留維為積觀之則不以辭害志而思過半矣

謹按越人論五臟積傳受之本病也然針經又主絡脉傷及飲食七情所致而論之可謂詳悉然今較之積聚因飲食傷

及七情而成者多且三因方於五積無主治引經况他書早故其法不取今以東垣方附于後

脉法

脉經曰脉來細而附骨者積也寸口積在胸中微出寸口積在喉中關上積在臍傍上關上積在心下微下關積在少腹尺積在氣街脉出在右積在右脉出在左積在左脉兩出積在中央各以其部處之脉來小沉而實者胃中有積聚不食食即吐

肺積脉浮而毛按之辟易心積脉沉而乳上下無常處

肝積脉弦而細腎積脉沉而急脉沉重而中散者因寒食

成癥脉左轉而沉重者氣癥陽在胸中右轉出不至寸口者內有肉癥也

論積聚癥瘕不同

難經曰積者陰氣也聚者陽氣也故陰沉而伏陽浮而動氣之所積名曰積氣之所聚名曰聚故積者五臟所生聚者六腑所成也積者陰氣也其始必有常處其痛不離其部上下有所終始左右有所窮處聚者陽氣也其始發無根本上下無所留止其痛無常處謂之聚故以是別知積聚也

原病式曰癥者腹中堅硬按之應手然水體柔順而今反堅硬如地者亢則害承乃制也瘕者中雖硬而忽聚忽散無其常故其病未及癥也經曰血不流而滯故血內凝而為瘕也小腸移熱於大腸乃為虛瘕大腸移熱於小腸謂兩熱相搏則血溢而為代瘕血溢不利月事沉滯而不行故云為虛瘕為虛與伏同

傳寫誤爾

謹按積者實停蓄之總名癥者有所成而名之亦皆積爾瘕者血病也似不可言為聚聚者陽氣也然大小腸移熱為瘕如此則亦聚爾但前人施治亦未見有分其異同者唯丹溪先生曰積塊在中為痰飲在左為血積在右為食積氣不能作塊成聚塊乃有形之物痰與食積死血爾此深得病情之旨學者可因此例而求諸

論積聚分三因

陳無擇云癥瘕屬肝部積聚屬肺部夫癥者堅也瘕者假也假物而成形然七癥八瘕之名經論亦不詳出雖有蛟蛇鱉肉髮蟲米等七證初非定之名偶因食物相感而致患爾若婦人癥瘕

則由內外不內外因動傷五臟氣血而成古人謂為癰疾以蛟
蛇等為生瘕然亦不必泥此並屬血病蛇髮等事皆出偶然但
飲食間誤中之留聚假血而成自有活性亦猶水微中僧病豈
者腹中有一物其狀如魚即生瘕也

按此論積聚等屬臟部蓋分氣血爾亦不必拘此然生瘕亦
有外因而成者如昔之徐之才治取蛤精疾生於足間者若
此陳於三因何不之及

論婦人腸覃石瘕之積

水脹篇曰石瘕何如岐伯曰石瘕生於胞中寒氣客于子宮子
門閉塞氣不通惡血當瀉不瀉血以留止日以益大狀如懷子
月事不以時下皆生於女子可導而下寶鑑曰夫膀胱為津液

之腑氣化則能出矣今寒客於子宮則必氣塞不通血壅不流
而血以止之結硬如石是名石瘕也此氣先病而血後病故月
事不來則可宣導而下出者也故難經云任之為病其內苦結
男子為七疝女子為瘕聚此之謂也非大辛之藥不能已可服
見眼丹

腸覃何如岐伯曰寒氣客於腸外與胃相搏不得榮因有所繫
瘕而內者惡氣乃起瘕肉乃生其始生者大如雞卵稍以益大
至其成如懷子之狀久者離歲按之則堅推之則移月事以時
下此其候也夫腸者大腸也覃者延也大腸以傳道為事乃肺
之腑肺主衛衛為氣氣得氣則泄寒則凝今寒客於大腸故衛
氣不榮有所繫止而結瘕在內貼者其延久不已是名腸覃也

氣散則清氣聚則濁結為瘕聚所以惡氣發起瘕肉乃生小漸益大至期而破其腹則如懷子狀也此氣病而血未病故月水不斷以時下本非妊娠可以此為辨矣

按此謂石瘕為血壅不流故月事不來腸覃為清氣聚而濁結成瘕故血未病月水不斷而知此二積之異然亦有諸積所致或有病癰膿而似此二證者不可不察也

論五積六聚治同鬱結

子和曰且積之成也或因暴喜怒悲思恐之氣或傷五味之食或停溫涼寒熱之飲或受六氣之邪其初甚微可呼吸按導而去之不幸遇庸醫強補而留之留而不去遂成五積夫肥氣者不獨氣有餘也其中亦有血矣蓋肝臟血故也伏梁者火之鬱

也以熱藥散之則益甚以火灸之則彌聚况伏梁證有二名同而實異不可不詳焉其一上下左右皆有根在腸胃之外有大膿血此伏梁義同腸癰其身體髀股胛背腫環臍而痛是即風根不可動動則為水溺滯之病此二者內經雖言不可動止謂不可大下非謂全不可下恐病去而有害痞氣者舉世皆言寒則痞內經以為濕則痞雖因飲冷而得其陽氣為濕所畜以熱攻之則不散以寒攻之則濕去而寒退矣息賁者喘息憤而上行也此舊說也余以謂賁者賁門也手太陰之筋結胸裏故賁合賁下抵季脇其痛支轉筋痛甚則成息賁手心主結於賁其病胸痛息賁又云肺下則居賁迫肝善脇下痛肝高則上支賁門脇悅為息賁若是言之是積氣於賁而不散此靈樞說五

臟處言此貴自是多故予發之貴脈者貴與奔同銅人言或因
讀書得之未必皆然也腎主骨此積最深難察大忌吐涌以其
在下止宜下之故予嘗以獨聖散吐肥氣揃以木架必燠室中
吐蒸汗也肝之積便言風也吐出數升後必有血一二滴勿疑
病當然也續以磨積之藥調之嘗治伏梁先以茶調散吐之蒸
汗以禹功煎水奪之繼之以降火之藥調之又嘗治痞氣萬舉
禹功下二三十行末以五苓淡劑等藥調之又嘗治息貴用瓜
蒂散不計四時置燠室中更以火一爐以助其汗吐汗下三法
齊行此病不可逗留久則傷人又嘗治貴脈以導水通經三日
一下之一月十下前後百行次用治血化氣磨積之藥調之此
積雖不傷人亦與人偕老若六聚之物在腑屬陽而無形亦無
定法倣此而行之何難之有

按此論五積之異同可謂極備病情之要積為鬱而用吐法
更甚得古人之妙矣但每吐後繼之以禹功煎水之劑則不
可為例矧古人施吐必不積因而用藥如徐文伯以油為宮
人吐髮癢楮澄以蒜為李道念吐雞子積甄權以雄黃為人
吐髮癢成蛇者蓋所因不同而用藥殊也大抵禹功五苓之
劑十下百行等法用於濕熱盛實及體厚者則可設有陰虛
氣痿積聚實而血氣弱者豈可例用乎
論痰積飲積主於濕

詳見痰飲門

論治積大法

許學士云大抵法積或以所惡者攻之或以所喜者誘之則易愈如礪砂水銀治肉積神麩麥蘗治酒積水蛭蜜虫治血積木香檀榔治氣積牽牛甘遂治水積雄黃膩粉治涎積礞石巴豆治食積各從其類也若用群隊之藥分其藥勢則難取効須要認得分明是何積聚兼見何證然後增減斟酌量使之不爾反有所損要在臨時通變也

謹按諸積有不因氣動而成者如偶有所食或誤吞錢物之類是也因氣動而成者如七情所致或飲食勞倦或五臟傳受之類是也故所積之物不一氣血之聚有殊或成蠱疔生瘕之類難測故須是認得分明是何積聚用藥宜各從其類

然亦要看元氣虛實或攻取峻削或養正漸除可也不爾則豈但有損而已

論養正積自除

衛生寶鑑曰潔古云養正積自除譬如滿座皆君子縱有一小人自無容地而出令其真氣實胃氣強積自消矣潔古之言豈欺哉或內經曰大積大聚衰其大半而止滿實中有積氣大毒之劑尚不可過况虛中有積者乎此乃治積之一端也邪正虛實宜詳審焉

按或云積非下之不可今言養正而後積除將以待正氣而除乎將以待藥力而除乎然人之有積則皆為身中之邪氣若君子座中之有小人也惟其調正氣則真氣運行不失其

常而積自除夫君子衆而正直在位其小人自然退避矣不然則正氣虛而真氣乖致積增膜膈胃亂真正氣絕而死矣亦若小人得志則政亂法壞而君子有所不能制焉且夫養正者非為飲食起居之間也蓋積既成矣形漸悴矣必用調養使榮衛充實而積自除餘有堅而不去者方可亟下之此先補後攻期于邪去正復而後已然除之不以漸則必有顛覆之害矣若昔之武氏斷喪唐宗幾於改物尚賴狄張諸公匡扶之力漸除黨與興復不忤惜乎中宗不鑑前轍之失而留三思致致韋氏之禍其猶積餘之而在者而不亟下之更不慎守禁戒遂縱口嗜慾病證復起而不可制其有不喪身者未之有也

聚門

五臟積方

東垣肥氣凡治肝之積在左脇下如覆杯有頭足久不愈令人發欬逆瘡瘡連歲不已

厚朴半兩

黃連七錢

柴胡二兩

椒四錢

巴豆霜五分

川烏頭炮去皮錢二分

乾姜炮半錢

皂角去皮弦煨一錢半

白茯苓一錢半

廣朮炮錢半

人參二錢半

甘草炙三錢

昆布二錢半

右件除茯苓皂角豆霜另末外為極細末和勻煉蜜為丸如桐子大初服二九一日加一九二日加二九漸漸加至大便微澹再從二九加服周而復始積減大半勿服

伏梁丸治心之積起臍上大如臂上至心下久不愈令人煩心

黃連一兩半 厚朴製 人參各兩 黃芩三錢

桂一錢 乾姜 菖蒲 巴豆霜各五分

紅豆二分 川烏頭五分 茯神 月參 炒各一錢

右件除巴豆霜外為細末另研豆霜旋旋入末煉蜜為丸如桐子大服如上法淡黃連湯下

三炷氣充治脾之積在胃脘覆大如盤久不愈令人四肢不收發

黃疸飲食不為肌膚

厚朴四錢 黃連八錢 吳茱萸三錢 黃芩二錢

白茯苓 澤瀉 人參各錢 川烏頭炮

川椒炒各半錢 茵陳酒炒 乾姜炮 砂仁各錢半

白朮 二分 巴豆霜 四分 桂 四分

右件除豆霜另研茯苓另末旋入外同為細末煉蜜為丸如桐子大用淡甘草湯下服如上法

息賁丸治肺之積在右脇下覆大如杯久不已令人洒淅寒熱

喘欬發肺壅

厚朴製錢 黃連炒兩錢 乾姜炮 白茯苓

川椒炒 紫苑各錢半 桂 川烏頭炮

桔梗 白豆蔻 陳皮 京三稜

天門冬各錢 人參二錢 青皮五分 巴豆霜 四分

右件除茯苓巴豆霜旋入外為末煉蜜丸如桐子大以淡姜湯送下服如上法已上四方秋冬加厚朴減黃連四分之一

奔豚丸治腎之積發於小腹上至心下若豚狀或下或上無時
久不已令人喘逆骨瘦少氣及治男子內結七疝女人瘕聚
滯下

厚朴製七錢 黃連五錢 白茯苓 澤瀉

菖蒲各二錢 川烏頭 丁香半錢 苦練酒浸三錢

玄胡索一錢半 全蝎 附子 獨活各二錢

桂二分 巴豆霜四分

右除巴豆霜茯苓另為末旋入外為細末煉蜜丸如桐子大
淡鹽湯下服如上法

按已上諸方宜隨證加減用之所謂益元氣洩陰火破滯氣
削其堅也

吐劑

瓜蒂散

方見痰飲門

按吐法意畧具前宜兼者各門吐例
倒倉法

丹溪曰人之七情厚味停痰瘀血互相糾纏日積月深鬱結成
聚甚者如桃核之穰諸般奇形之虫成於中形於外發為癰
瘕為勞瘵為蠱脹為癩疾為無名奇病宜行此法

用黃牡牛肉擇肥者買一二十斤長流水煮糜爛酥入湯中
為液以布濾出粗滓取淨汁再入鍋文武火熬成琥珀色則
成矣每飲一鍾少時又飲如此者積十數鍾寒月則重湯溫

而飲之病在上者欲其吐多病在下者欲其利多病在中者欲其吐利俱多全在活法而為緩急多寡也須晴明日早於一室明快不通風處以安病人視所出之物可盡病根則止吐利後或渴不得與湯水其小便必長取以飲病者名曰輪迴酒與一二椀非惟可以止渴抑且可滌濯餘垢一二日覺飢甚乃與粥淡食之待三日後始與少菜羹自養半月覺精神煥發形體輕健沉痾悉除其後須五年忌牛肉

消導之劑
御藥院方助氣丸治三焦痞閉胸膈滿悶氣不流通蘊結成積痰癥氣塊並皆治之

京三稜

莪朮各炮斤 青皮

陳皮並香

白朮

檳榔

枳殼

木香各一兩

右為末糊丸如梧子大每五十九服水下

按此治諸氣積藥也然世俗治積之方多蕪氣藥欲其氣化而積易散殊不知氣虛者何以抵受中央熱者豈不助火反傷氣耶故用者宜分虛實寒熱選便況此方雜劑氣之藥過半而云助氣恐未必然也

二因散聚湯治久氣積聚狀如癥瘕隨氣上下發作有時心腹絞痛攻刺腰脇小腹腹脹大小便不利

半夏

檳榔

當歸各分

陳皮

杏仁去皮炒

桂各兩

茯苓

甘草炙

附子炮

川芎

枳殼炒

厚朴製

吳茱萸湯泡洗各兩

大黃大便利差

右吹咀每服四錢水煎

濟生大七氣湯治積聚狀如癥瘕隨氣上下發作有時心腹疝
痛上氣窒塞小腹脹滿

益智仁

陳皮

京三稜

蓬朮

香附子炒

桔梗

肉桂

藿香葉

甘草炙

青皮 各五分

右吹咀每服五錢水煎

按此二方治聚之劑也然聚瘕用湯蕩滌之意亦要隨臟氣
虛實見寒熱而增損之可也

東垣草豆蔻丸治酒積或傷寒冷物胃脘痛咽膈不通

草豆蔻煨

白朮 各兩

大麥蘖

神麴 各少

黃芩

半夏 各兩

枳實炒 兩

陳皮

青皮

乾生姜 各錢炒 益半錢

右為極細末湯浸蒸餅丸如菉豆大每服百丸新水
按此治酒積飲積藥也入氣血之分

瘕積堅湯治有積塊堅硬如石形如拌大令人坐卧不安中

滿腹脹

方見腹脹明

寶鑑香薷丸破痰癖之癥塊及冷積

木香

丁香 各五錢

京三稜剉酒浸一宿

青皮

廣木

剉酒浸一宿用去皮巴豆三十粒同炒巴豆黃色

木香炒

川練子

茴香炒各三四

右末醋糊丸如梧子大朱砂為衣每服二十九姜鹽湯下

按此治氣積寒積之劑下焦藥也

丹溪阿魏丸治肉積

連翹半兩

糖毬子兩

黃連六錢半

阿魏一兩醋煮作糊

右為末用河魏糊丸如梧子大每二三十丸白湯下

保和丸治食積

糖毬子三兩

神麴二兩

半夏

茯苓各一兩

陳皮

連翹

蘿蔔子各半兩

右為末粥糊丸如梧子大每二四十九丸白湯下

按此二方食積藥也又此方治痰積飲積之劑丹溪曰脾虛

者須以補脾藥下之切不可獨用虛虛之禍疾如反掌蓋慎

之也氣實新病宜於攻下諸方選用又不必拘此

宣明三稜湯治癥瘕痞積聚不散堅滿痞膈食不下腹脹

京三稜兩

白朮一兩

蓬朮

當歸各半兩

檳榔

木香各五分

右為末每三錢沸湯調下

按此治癥瘕之劑氣血藥也然瘕者雖硬而忽聚散即聚也

屬陽氣也經云血不流而寒薄故血內凝而瘕蓋又屬血爾

固當兼治之此方亦可以推其變從虛實加減而輕重之可

也

謹按針經備陰絡傷汁血相搏并合成積或臟氣傳受及子

和論七情為鬱皆元氣自病不係傷諸飲食致者當先調理不可妄下故已上五臟方消導法宜選用氣虛弱甚者又宜消息此養正積自除之意若傷諸飲食致者元氣未病初非下之削之不可然治之不早元氣日減正氣日偷方用下削而能獲安者實僥倖焉至是者亦宜上法先補後攻可也醫反是之多致悞爾若積鬱在身形氣飲食如常者則已下削堅之方或吐或下的在選用衰其大半宜漸除之否則失機後時而不救者多矣然有除之未盡元氣未復而使內繼口味恣七情病遂復起者亦不鮮矣嗚呼世道不古人之不謹致積又不能歸罪於已安心調理卒致殞沒不得以盡其天年者固不日惜然醫之不能精明其過悞人生命者豈無所

報耶

削堅之劑

砂氏木香檳榔煎丸治脾積氣塊腹脇之痛口吐清水

木香

肉桂 各兩

檳榔 七枚

乾漆 半兩炒令烟盡

礪砂 半兩研

肉豆蔻 二枚

胡椒 四十粒

右為末次入礪砂和勻煉蜜丸如梧子大每七丸橘皮湯下

按此治肉積寒積藥也入氣血之分

局方丁香脾積丸治諸般食積氣滯胸膈脹滿心腹刺痛

丁香

木香

巴豆

高良姜 醋炙各半兩

莪朮 二兩

三稜 二兩

青皮 二兩

皂角

三天提燒

右入百草霜三匙同碾細為末糊丸如麻子大每十九至二

十九

按此治寒冷食積藥也

鄧山房感應丸治食積化宿滯

黑角沉香

木香

檀香

丁香

陳皮

青皮

黃連

砂仁

香附子

半夏

三稜 煨

蓬朮

肥烏梅

百鍊重

巴豆

三百粒肥白者去衣膜心

右用磁器一隻盛巴豆上以梅肉蓋之却用米醋浸過與梅肉平於甌坐蒸至極熟以巴豆紅色為度却搗二件如泥用糯米飯和前藥勻搗千百下丸如羅白子大每十九吞下按此下氣積食積藥也

宣明積氣丹治一切新久沉積氣塊面黃肌瘦癥瘕積聚口吐

酸水

檳榔 二箇

芫花

京三稜

黃連

牛膝

樟柳根 各二兩

綱砂 二錢

肉豆蔻 二箇

青皮

陳皮

石菖蒲 各三錢

巴豆

木香 各二錢半

大戟

大黃

甘遂

白牽牛

乾姜

青礞石

乾漆 各半兩

蓬朮 二兩

石為末醋糊為丸如桐子大每服一九臨卧燒棗湯下是病人虛實加減服

按此下飲積氣積內積水積藥也

本事礪砂丸治一切積聚痰飲心脇引痛

礪砂 三稜 乾姜 白芷

巴豆 去油 大黃 乾漆 木香

青皮 胡椒 各分 檳榔 肉豆蔻 各箇

右為末醞醋二升煮巴豆五七沸復下三稜大黃末同煎五
七沸入礪砂煎成膏却入別藥和勻杵丸如棗豆大每五
丸姜湯下

按此下肉積氣積例藥因其中用白芷為散水行氣故史言
治痰飲也

破積導飲丸治積塊堅硬飲食不消心下痞悶

木香 檳榔 陳皮 青皮

枳殼 炒 枳實 炒 廣木 炮 三稜 炮

半夏 神麴 炒 麥蘖 乾生姜

茯苓 澤瀉 甘草 炙 牽牛 頭末 二錢

巴豆 三十粒 去皮 心油

右細末入巴豆霜令勻姜汁糊丸梧子大每三十丸溫姜湯
下

按此治飲積酒積氣積藥也然世俗方類此者甚多夫抵多
合以熱劑不能以盡病情之變唯此方庶幾用者自宜取擇

三因破飲丸

方見痰飲門

歸路丸治傷寒於內氣凝不流結於腸外又為癥瘕時作疼痛

不得伸

廣不

三稜各清浸兩 乾漆炒 麝香炒

青皮

雄黃 川山甲炮各三錢

礞砂四錢研

輕粉一錢 川烏五錢炮 麝香半錢

巴豆

三粒去殼同三稜不炒黃色去巴豆不斥

右細木和勻姜汁糊丸梧子大每三二十九溫姜湯下空心服

按此治腸重寒積之劑也

寶鑑見明丹治婦人石瘕狀如懷子者

附子四錢炮

鬼箭羽 紫石英各三錢

澤瀉

肉桂 玄胡 木香各三錢

血竭二錢半

水蛭二錢炒酒盞 檳榔二錢 桃仁炒工箇

三稜五錢

大黃二錢同三稜酒浸一宿

右各研勻酒糊丸梧子大每二十九食前用鹽湯或酒下

按此治血積藥也

溫白丸治心腹絞痛久癥癖塊大如杯碗十種水病八種痞塞

九種心痛

紫苑

吳茱萸 菖蒲 柴胡

桔梗

厚朴製 皂角去灰子 茯苓

黃連

桂 乾姜炮 川椒炒去目

巴豆去心腹油

人參各半兩 川烏炮去灰臍二兩半

右末入巴豆研令勻蜜丸梧子大每三九生薑湯下

按此治食積寒積藥也

經驗方塌腫神應丸治諸腫虫毒肚脹如鼓脾癖癥瘕氣塊上
喘氣急欬嗽倚息不得睡服藥不効者

三稜

莪朮

青皮

陳皮

乾漆燒各兩

芫花七錢半

大戟二錢

礪砂

巴豆霜各錢

右前藥和一處用好米醋一大椀慢火上煮醋乾為度取出
晒乾碾為末醋和作丸如梧子大每四五十九生姜湯下五
更服隨用椒目六兩羅白子半斤炒香熟用手帕盛於患處
熨如冷再炒熨至再三大小便行後才住熨以溫稀粥補之
按此治癥瘕之劑飲積氣積水積血積藥也

聖散子治遠年積塊

礪砂七兩

川大黃八兩

大麥蘖高

乾漆燒過

蒺藜

茴香炒

瞿麥

檳榔各兩

如婦人乾血氣加川山甲二兩炮

右末每五錢溫酒調下仰卧此藥只在心頭至明大便如爛
魚小便赤為驗取出並無毒性小兒用一錢量大小與之
按此氣血藥也

謹按治積之方氣實者故宜峻劑故古方多相乘近世又多
用推導之劑如剪紅丸蠟丸去積亦是一法但不分氣血虫
物諸積之異人之虛實不同往往誤人故皆不錄其或可吐
者宜從子和之法氣虛羸弱者觀東垣諸方已啓其微用者

當自求其意而為通變可也

卷之二十

玉機微義卷之二十一

消渴門

諸經論消渴脉證所因

內經陰陽別論曰二陽結謂之消脉要精微論曰瘵成為消中
按東垣曰二陽者陽明也手陽明大腸主津病消則目黃口
乾是津不足也是陽明胃王血熱則消穀善飢血中伏火乃
血不足也結者津液不足結而不潤皆燥熱為病也此因數
食甘美而多肥故其氣上溢轉為消渴治之以蘭除陳氣也
不可服膏粱芳草合藥其氣慄悍能助燥熱也

調逆論曰心移熱於肺傳為膈消也 凡治消瘵小繫偏枯痿
厥氣滿發逆肥貴人則膏粱之疾也岐伯曰脉實病久可治脉

消渴病久不可治後分為三消高消者舌上赤裂大渴引飲
脈軟散者當病消渴

論消渴為三焦受病

病機云消渴之疾三焦受病也上消者肺也多飲水而少食大便如常小便清利知其燥在上焦也治宜流濕以潤其燥消中者胃也渴而飲食多小便赤黃熱能消穀知其熱在中焦也宜下之
消腎者初發而為膏淋謂淋下如膏油之狀至病成面色黧黑形瘦而耳焦小便濁而有脂液治法宜養血以肅清分其清濁而自愈也

論消中三證之異

陳無擇云消渴屬心故煩心致心火散漫渴而引飲諸脈散皆氣貫血虛也消中屬脾癰熱減則為消中消中復有二有因寒中陰勝陽鬱必為熱中經云脉洪大陰不足陽有餘則為熱中多食數溺為消中陰狂與盛不交精泄則為強中至病強中不亦危矣消腎屬腎盛壯之時不謹而縱慾房勞年長腎衰多服金石真氣既喪口乾精溢自洩不飲而利經云腎實則消不渴而小便自利名曰腎消亦曰內消

論三消之疾燥熱勝陰

河間曰三消之疾本濕寒之陰氣極衰燥熱之陽氣太甚皆因乎飲食服餌失節腸胃乾涸而氣液不得宣平或耗亂精神過遠其度或因大病陰氣損而血液衰虛陽氣悍而燥熱鬱甚或

因久嗜醜物恣食炙煇飲食過度亦有年少服金石丸散積久
實熱結於下焦虛熱血氣不能制濕熱燥甚於腎故渴而引飲
舌飲水多而小便多者名曰消渴若飲食多而不甚渴小便數
而消瘦者名曰消中若渴而飲水不絕腿消瘦而小便有脂液
者名曰腎消此三消者其燥熱同也夫經中有言心肺氣厥而
渴者有言肝痺而渴者有言脾熱而渴者有言腎熱而渴者有
言胃與大腸結熱而渴者有言脾痺而渴者有言小腸痺熱而
渴者有因病瘡而渴者有因肥甘美食而渴者有因醉飽入房
而渴者有因遠行勞倦遇大熱而渴者有因傷害胃乾而渴者
有因病風而渴者雖五臟之部分不同而病之所遇各異其為
燥熱亡液一也

謹按先生三消之論始言天地六氣五味以配養人身六位
五臟而究乎萬物之源終引內經論渴諸證以辨乎世方熱
藥之誤比物立象反覆詳明非深達陰陽造化之機者孰能
如是哉夫治此疾者補腎水陰寒之虛而瀉心火陽熱之實
除腸胃燥熱之甚濟身津液之衰使道路散而不結津液生
而不枯氣血利而不澁則病日已矣豈不以滋潤之劑養陰
以制燥滋水而充液哉何故世論消渴者多不知其意謂因
下部腎水虛不能制其上焦心火使上實熱而多煩渴下虛
冷而小便若更服寒藥則元氣轉虛而下部腎水轉衰則上
焦心火尤難治也但以暖藥補養元氣若下部腎水得實而
勝退上焦心火則自然渴止小便如常而病愈也吁若此未

明陰陽虛實之道也夫腎水屬陰而本寒虛則為熱心火屬陽而本熱虛則為寒若腎水陰虛則心火陽實是謂陽實陰虛而上下俱熱矣以彼之言但見消渴數澀妄言為下部寒爾豈知腸胃燥熱怫鬱使之然也且夫寒物屬陰能養水而瀉心熱物屬陽能養火而耗水令腎水既不勝心火則上下俱熱奈何以熱藥養腎水欲令勝心火豈不聞哉彼不謂水氣實者必能制火虛則不能制火故陽實陰虛而熱燥其液小便淋而常少陰實陽虛不能制水小便利而常多此又不知消渴小便多者蓋燥熱太甚而三焦腸胃之膜理怫鬱結滯緻密壅塞而水液不能滲泄浸潤於外以養乎百體故腸胃之外燥熱太甚雖多飲水入於腸胃之內終不能浸潤於外故渴不止而小便多水液既不能滲泄浸潤於外則陰燥竭而無以自養故久而多變於龍盲瘡湯瘰癧之類而危殆其為燥熱傷陰也明矣

論治消渴大法

東垣曰腸消者以白虎加人參湯治之中消者善食而瘦自汗大便硬小便數叔和云口乾飲水多食饑虛癰成消中者調胃承氣二黃丸治之下消者煩燥引飲耳輪焦乾小便如膏叔和二焦煩水易虧此腎消也六味地黃丸治之總錄所謂末傳能食者必發腦疽背瘡不能食者必傳中滿鼓脹皆謂不治之證潔古老人分而治之能食而渴者白虎加人參湯不能食而渴者錢氏方白朮散倍加葛根治之上中既平不復傳下消矣前

人用藥厥有旨哉或曰末傳瘡疽者何也此火邪勝也其瘡痛甚而不潰或赤水者是也經云有形而不痛陽之類也急攻其陽無攻其陰治在下焦元氣得強者生失強者死末傳中滿者何也以寒治熱雖方士不能廢其繩墨而更其道也然臟腑有遠近心肺位近宜制小其服腎肝位遠宜制大其服皆適其至所為故如過與不及皆誅罰無過之地也如高消中消制之太急速過病所久而成中滿之病正謂上熱未除中寒復生者也非藥之罪失其緩急之制也處方之治宜加意焉

按已上所論三消傳變可謂發病機之旨比與陳氏三因論消中復有三證皆病傳所異大抵末傳發瘡疽者為傳外發脹滿強中為傳內亢極之甚也但三因所出治強中一方然未見其肯醫今姑存之以備其肯且傳脹滿皆不治之證况

強中乎

消渴門

治熱之劑

局方清心蓮子飲

調胃承氣湯治消中熱在胃而能飲食小便赤黃

方並見熱門

二因真珠丸治心虛煩悶積熱煩渴口乾舌燥引飲無度小便
或利或不利

知母兩分

黃連

苦參

玄參

鐵粉

牡蠣各兩

朱砂二兩

麥門冬去心

天花粉各兩金箔

銀箔二百片

右為末煉蜜入生瓜蒌汁少許凡如梧子大用金銀箔為衣

每二三十丸先用瓜蒌根汁下一服次用麥門冬熟水下痛
退日二服

按此心胃經藥也已上三方有輕重之殊宜選使

治燥之劑

東垣當歸潤燥湯治消渴舌上白乾燥唇乾口乾眼澁黑處見
浮雲大便閉澁乾燥結硬喜濕飲陰頭短縮

升麻一錢

柴胡七分

甘草六分生

細辛一分

黃柏

知母

石膏

桃仁

麻仁

防風

荊芥穗

當歸身各錢

杏仁齋

紅花少許

生地黄五分

小椒三箇

右以咀作一服水煎

清涼飲子治消中能食而瘦口乾舌乾自汗大便結燥小便頻數

羌活 柴胡 炙甘草 知母酒製

黃芪 黃芩酒製各錢 生甘草 漢防己

生地黄酒製各半錢 防風五分 當歸身六分

紅花少許 桃仁五箇 杏仁十箇 升麻四分

石膏 黃柏 草龍膽製各一錢半

右咬咀作一服水煎入酒此小此方減黃芪黃芩防風草
膽加麻黃根三分黃連八分名地黃飲子

按已上脾心肝腎藥也

清氣之劑

局方人參白虎湯治高消上焦燥渴不欲多食

方見熱門

東垣蘭香飲子治渴飲水極甚善食而瘦自汗大便結燥小便頻數

石膏三錢 知母酒製一錢 生甘草 防風各一錢

炙甘草 人參 蘭香 白豆蔻仁

連翹 桔梗 升麻各五分 半夏二分

右為細末湯浸蒸餅和勻成劑捻作薄片于日中晒半乾碎
如粉每服二錢食後淡生姜湯下

按已上三方主上中二消之劑肺胃經藥也

滋陰之劑

丹溪補陰丸

方見補虛門

局方加減八味丸治腎虛消渴引飲

金匱腎氣丸減附子加五味子

右服如本方法要畧各治男子消渴小便反多仍用本方

簡易地黃飲子治消渴咽乾面赤煩躁

人參

生地黄

熟地黄

黃芪

天門冬

麥門冬去心

澤瀉

石斛

枇杷葉

去毛炒

枳殼炒

甘草炒各等分

右咬咀每三錢水煎服

按此心腎脾肺藥也已上三方主消之劑

砂黃連丸治心虛蘊熱或因飲酒過多發為消渴

砂一兩

宣連三兩

生地黄二兩

右為末煉蜜丸如梧子大每四五十九燈心棗湯送下

按此心脾藥也上消之例

清氣滋陰之劑

局方黃芪六一湯治男女諸虛不足胸中煩悸時常消渴或先

渴而後發瘡或病諸瘡而後渴者並宜服

方見

按此肺腎脾三焦命門之劑也

東垣生津甘露飲子治高消大渴飲水無度舌上赤澁上下齒

皆麻舌根強硬腫痛食不下腹時脹痛渾身色黃目白睛黃

甚則四肢痿弱無力面塵脫色脇下急痛善噦善怒健忘腎腰背寒兩丸冷甚

石膏一錢分

人參

炙甘草各錢

黃柏酒拌

杏仁各錢半

生甘草

山萸

萆澄茄各錢

白葵半錢

白豆蔻

白芷

連翹

姜黃各錢

麥門冬

白芍

當歸身各半錢

桔梗三錢

升麻

白

酒製各錢黃連

木香

柴胡各三分

苦

白二分

全蝎一箇

右為細末湯浸蒸餅和勻攤焙
掌中以舌舐之隨津嚙下或
按此肺胃心腎藥也東垣曰

以白湯少許
制之緩也不惟不成中滿亦

不傳下消矣三消皆可用

宣明麥門冬飲子治膈消胸滿煩心津液乾少短氣多為消渴

知母

甘草炒

瓜蒌

五味子

人參

葛根

生地黃

茯神

麥門冬去心各等分

右以咀每五錢入竹葉十四片煎

按此肺腎脾胃藥也

雜方

寶鑑麥門冬湯治消渴日夜飲水不止飲下即渡

麥門冬去心黃連

冬瓜各二兩

右以每五錢水煎服如無乾者用新者一枚重三斤去皮穰

分作十二片為十二服每服一片日三次

酒蒸黃連丸治消渴飲水無度至二三升小便五七十次發熱瘦弱口乾食已如飢此名消痺今用味苦無毒除熱正氣消渴厚腸消渴之人脾胃惡濕黃連為對

黃連淨半斤酒一升湯重蒸伏時晒乾用

右末滴水丸梧子大每五十丸食前溫水下

仁齋加味錢氏白朮散治消渴不能食

人參

白朮

白茯苓

甘草炙

枳殼炒各半錢 藿香一錢

乾葛二錢

木香

五味子

柴胡各五分

石叟咀作一服水煎

宣明大黃甘草飲子治男女一切消渴不能止者

大豆五升煮三沸去苦水

大黃一兩半

甘草四兩

石三味用井水一桶同煮軟盛放冷令病人食豆渴飲汁無

時候食盡病不盡再如前服不三次愈矣

三因石子齋菴湯治強中多因執嗜色慾及快意飲食或服丹

真氣既脫煩渴引水飲食倍常陰氣常與不交精出致虛熱

注於下焦最為難治

齋菴

石膏各三兩

人參

茯苓

瓜蒌根

磁石煨碎

知母

乾葛

黃芩

甘草各二兩

右劉每水三盞腰子一箇去脂膜黑豆一合煮至盡半去腰

子大豆入藥四錢煎服

秘方用紫背浮萍搗汁每頓服半盞效

丹溪方

黃連末

天花粉末

生地黄汁

生藕汁

右二物汁為膏入上藥搜和入牛乳佐以姜汁和蜜湯為膏徐徐留於舌上以白湯少許送下

機要方無天花粉有牛乳汁二汁熬膏和末為丸桐子大每二十九少呷溫水下日進十服

卷之二十一

三機微義卷之二十二

水氣門

諸經敘水氣為病所因

內經曰腎者至陰也至陰者盛水也肺者太陰也少陰者冬脉也故其本在腎其末在肺皆積水也帝曰腎何以能聚水而生病岐伯曰腎者胃之關也關門不利故聚水而從其類也上下溢於皮膚故為臃腫臃腫者聚水而生病也故水病下為臃腫大腹上為喘呼不得卧者標本俱病故肺為喘呼腎為水腫肺為逆不得卧下焦溢為水王註曰下焦為分注之所氣窒不瀉則溢而為水肺移寒於腎名曰涌水云云證見後葶藶丸方下諸有水氣者微腫先見於目下也

針經曰水始起也目窠上微腫如新卧起之狀其頸脉動時欬陰股間寒足頸腫腹乃大其水已成矣以手按其腹隨手而起如裹水之狀此其候也 肢胫者人之管以趨翔也莖垂者身中之機陰精之候津液之道也故飲食不節喜怒不時津液內溢乃下流於羣血道不通日大不休倪仰不便趨翔不能此病宗然有水不上不下也

謹按內經論諸水氣皆諸臟本病也針經所引則又主飲食及七情等因皆能致之可見病機之微矣但有濕腫氣腫初皆頗相似然以手按之成凹不即起者濕也濕與水有微甚之意况有氣腫及諸水形證不同要在臨證詳審也

脉經敘諸水脉證

病有風水有皮水有正水有石水 寸口脉沉滑者中有水氣面目腫大有熱或身體反重而酸或惡風一身悉腫脉浮不渴續自汗出而無大熱者皆為風水 皮水其脉亦浮外證胛腫按之沒指不惡風其腹如鼓不渴當發其汗皮水之為病四肢腫水氣在皮膚中四肢重動者防已在苓湯主之 正水其脉沉遲外證自喘 石水其脉自沉外證腹滿不喘 黃汗風水其脉自浮外證骨節疼痛惡風 心水者其身重而少氣不得卧煩而燥其陰大腫 肝水者其腹大不能自轉側脇下腹中痛時時津液 生小便續通 肺水者其身腫小便難時時鴨澹 脾水者其腹大四肢苦重津液不生但苦少氣小便難腎水者其腹大臍腫腰痛不得溺陰下濕如牛鼻上汗其已

逆冷面又瘦 裏水者一身面目黃腫其脈沉小便不利故令
病水也 諸有水者腰以下腫當利小便腰以上腫當發汗乃
愈

按已上論五臟所主見證與諸經論根本不同詳見後神金
最下宜並詳審

論生死脈法

水病脈洪大者可治微細者不可治水病腹閉其脈浮大軟者
沉細虛小者死水病腹大如鼓脈實者生虛者死

論水氣主於濕熱

原病或曰或云水腫者由脾虛而不能制其腎水則水氣妄行
而脾主四肢故水氣遊走四肢身面俱腫者似是而實非也夫

治水腫腹脹以辛苦寒藥為君而大利其大小便也經曰中滿
者治之于內然則豈為脾土之虛也此說正與素問相反經曰
諸濕腫滿皆履脾土又曰太陰所主脾腫又曰濕勝則濡泄甚
則水閉脾腫皆所謂太陰脾土濕氣之實甚也又經曰諸腹脹
大皆屬于熱又云諸脾腫及酸皆屬于火又曰熱勝則脾腫皆
所謂心火實熱而安得言脾虛不能制腎水之實甚乎故諸水
腫者濕熱之相兼也如六月濕熱大甚而庶物隆盛水腫之象
明可見矣故古人制以辛苦寒藥治之蓋以辛散結而苦燥濕
以寒除熱而隨其利濕去結散熱退氣和而已所以妄謂脾虛
不能制其腎水者但謂數下致之又多水液故也豈知巴豆熱
毒耗損腎水陰氣則心火及脾土自甚濕熱相搏則佛鬱痞膈

小便不利而水腫也更宜下之者以其辛苦寒藥能除濕熱佛
鬱痞膈故也若夫世傳銀粉之藥以治水腫而愈者以其善開
佛鬱痞膈故也慎不可過度而加害爾况銀粉亦能傷牙齒者
謂毒氣感於腸胃而精神氣血水穀能勝其毒故毒氣循經上
行而至齒齲嫩齒疔之分則為害也上下齒縫者手足陽明之經
也凡用此藥先當固濟爾或云陰水偏身而又惡寒止是寒者
非也

丹溪曰諸氣膈鬱皆屬於肺者諸濕腫滿皆屬於脾諸腹脹大
皆屬於熱蓋濕者土之氣土者火之子故濕病每生於熱熱氣
亦能自濕者子氣感母濕之變也凡病腫皆以治腫為主所挾
不同治法亦異盧砥鏡治水脹辨以隸於胃肝胃三經而不及

脾下文繼以肺金盛生水水液妄行之說豈理也哉夫脾土受
病肺為之子焉有自盛而生水者哉若為腫之水果生於肺金
之清氣則滋長腎陰奉行降令為生化之源何病腫之有今滲
透經絡注流溪谷皆濁腐之氣窒碍津液久久灌入隧道血亦
化水而欲藉脾土以制之導腎氣以利之不思脾病則肝木來
侮子氣益衰木寡於畏脾欲不病不可得矣治法宜清心經之
火補養脾土全運化之職肺氣下降滲道開通敗濁之氣其稍
清者復回而為氣為血為津液其敗濁之甚者在上為汗在下
為溺以漸而分消矣盧不明言而更曰制水燥水得非白圭以
鄰國為壑乎

謹按河間論水氣主於脾土濕甚為病蓋言有餘證也但脾

虛受濕或濕熱自甚不足所致者為甚多故以丹溪之論併
及之觀者當自審察然脉經論熱甚金衰土母而歸水
水藏火神土亡其子其氣衰微水為洋溢浸漬為池走擊皮
膚面目浮腫歸於四肢愚醫見水直往下之虛脾空胃水逐
居之云竟本文此言諸臟之本病也夫水為物元土為物母
然物元物母為病則真氣危矣故不得妄下之也由是觀之
則水氣之病始非氣鬱飲食濕熱諸證所致者禁不得妄下
蓋恐真臟為病也是以丹溪宣明肺腎脾之意深備此理

論諸證似水氣

發明曰夫脚氣之疾實以濕之所為也

云云見濕門

河間曰結陽病主四肢脛腫四肢熱勝則腫

云云

論濕證似水氣

論見濕門

謹按濕者水氣之漸也故治有輕重所殊爾

論水氣繆刺法

內經曰經脉滿則絡脉溢絡脉溢則繆刺之以調其絡脉使形
容如舊而不腫故曰繆刺其處以復其形也

謹按繆刺謂不分隧穴而刺之也故此水熱穴論無刺水穴
分大法水溢於表或腹脹或四肢雖腫而氣稍實脉浮洪者
宜行此至病氣孤危脉微弱而四肢水氣盛實者今人往往
繆刺之禍不旋踵蓋不審經言脉滿絡溢宜繆刺之理也

論水氣證治大法

內經曰不從毫毛病生於內者陰氣內盛陽氣竭絕不得入於腹中故言五臟陽以竭也津液者水也充廓皮中陰畜於內水氣脹滿上攻於肺肺氣孤危魄者肺神腎為水害子不救母故云其魄獨居也夫陰精損削於內陽氣耗減於外則三焦閉溢水道不通水滿皮膚身體否腫故云形不可與衣相保也凡此之類皆四肢脉數急而內鼓動於肺中也肺動者謂氣急而欬也如是者皆水氣格拒於腹膜之內浮腫施張於身形之外欲窮標本其可得乎平治權衡謂察脉浮沉也脉浮為在表脉沉為在裏在裏者泄之在表者汗之故云開鬼門潔淨府也去宛陳莖謂去積久之水物猶如草莖之不可久留於身中也謹按經論水氣證治至為機密故云開鬼門潔淨府然鬼門

者猶幽玄之謂有毛竅而不見其開關邪氣感入邪與正相搏毛竅閉塞而寒熱作為病客於表故宜發汗遣邪氣以開鬼門也此亦發汗之別稱泄諸病在表之通例也淨府者謂膀胱內無入孔而外有出竅為清淨津液之府馮賢氣藏氣化水敷之精而滲入腠中氣約成溺出也夫腎主下焦司開關關竅二陰肺脾之氣通調水道下輸膀胱氣化水行而自清淨否則便澀或濁或淋為水氣溢於腠理為膚腫諸病若究屈陳莖壅滯於身中當泄去是物而淨潔宜此二法在表者汗之在裏者泄之權衡於治也雖然經云水病本之於肺腎二經而古今方論並不以治水獨瀉腎氣為說者何蓋腎陰之行降令為生化之源而常不足至陰精損削於內生氣

不能運化至為臃腫其氣索矣况肺弱而母氣孤危者故東
垣曰若治以甘淡滲泄陽藥獨陽無陰其欲化得乎此深嶺
已上治例之妙也如積飲鬱飲傷脾若土之於雨中則為泥
矣或因七情所致手足太陰俱病身面浮腫似水氣者用燥
脾導氣之劑即愈一則若泥土之得和風暖日水濕去而陽
化自然萬物生長一則肺氣開泄滲道通利水氣不濡於脾
矣此正諸濕腫滿皆屬脾土諸氣臃鬱皆屬於肺而與陰陽
為病水氣機之不同故亦不待開鬼門潔淨府而已也

水氣門

發表之劑

金匱越脾湯治風水惡風一身悉腫脉浮不渴續自汗出無大
熱

麻黃四錢

石膏四錢

生姜二錢

大棗二枚

甘草二錢

右咬咀水煎作一服惡風加附子古今錄驗加白朮

防己茯苓湯治皮水為病四肢腫水氣在皮膚中四肢聶動者

防己

黃芪

桂枝各錢

茯苓六錢

甘草二錢

右咬咀作一服

越脾加木湯治裏水

煎越脾湯加白木

四錢

甘草麻黃湯治裏水濟生云治水腫從腰已上俱腫宜此汗之

甘草 半兩

麻黃 一兩

右咬咀水煎作一服

麻黃附子湯治水之為病其脉沉小屬少陰

麻黃 三錢

甘草

附子 各二錢

右咬咀水煎

黃芪芍藥桂枝苦酒湯治黃汗之為病身體腫發熱汗出而渴

狀如風水脉自沉

黃芪 五錢

芍藥

桂枝 各三錢

右咬咀水煎入苦酒相和作一服

按已上諸方並是太陽例藥也

攻裏之劑

仲景十棗湯治水氣四肢浮腫上氣喘急大小便不通三因方

作丸

三花神佑丸

方並見痰飲門

按此並少陰例藥也義見痰飲例中

局方神助散治十腫水氣面目四肢浮腫以手按之隨手而起

欬嗽喘急不得安卧小便赤澀大便不利

澤瀉

黑牽牛末 各一兩

椒目 一兩半

猪苓 二兩

葶藶 三兩

右為末每服三錢葱白三莖水煎入酒調服

按此太陽例藥也

宣明道水丸治濕熱腫滿

方見濕門

按此陽明例藥也

濬川散

方見濕門

大戟散治水腫腹大如鼓或遍身皆腫

大戟

白牽牛末

木香等分

右為細末每服三錢以猪腰子一對批開摻藥在內燒熟空心食之如食左腰子左臂塌消右消右如腫不盡於腹邊塗

甘草末飲甘草水少許其腫盡去

按此並出軟陰例藥也

意蘆凡治涌水證如泄囊裹裏漿或徧身腫滿按腹不堅疾行

則濯濯有聲或喘欬不定

亭歷炒

澤瀉

椒目

桑白皮

杏仁炒

木猪苓各半兩

右為末煉蜜為丸如梧子大每二三十九葱白湯下不拘時

以利為度

葶黃神金散

葶黃

葶歷

兩糯米和炒熟去米不用

澤瀉

椒目寒半

大戟

巴戟

茯苓

元花 醋浸日炒甘遂

桑白皮 各兩

石為末空心用井花水調下每一錢加至五錢以利為度忌

蓋醋生冷油膩之物從脚腫加亭蓋 肚腫加椒目

從陰腫加澤瀉

面腫加桑白皮

從四肢腫加茯苓

從心腫根在肋加雄黃

從肢腫根在脾加甘遂

從口腫根在小腸加巴戟

從腰腫根在腎加大戟

從膝腫根在肝加芫花

按此並太陽例藥也宣明論此類方甚多宜選用之

東垣續隨子丸治肺經有濕通身虛腫

方見濕門

按此手太陰藥也出太陽例

二因消腫丸治水腫喘滿小便不利

滑石

木通

白朮

黑牽牛炒

通脫木

茯苓

茯神

半夏

陳皮 各錢

木香

瞿麥穗

丁香 各半錢

右為末酒糊丸梧子大每五十九燈心麥門冬湯下

按此太陽例藥也已上諸方世俗多用之故收入然行者宜

斟量宜證輕重深淺寒熱選使則不致少有差失也

滲洩之劑

五苓散

方見濕門

按此太陽經表之裏藥也

宣明膏麻木香散

方見濕門

按此太陽手足二經藥又表裏藥也

大補皮湯治濕熱 內甚心腹脹水腫小便不利大便滑洩

方見濕門

按此太陽藥又氣分藥也

澹寮五皮散治面目虛浮四肢腫滿心腹脹上氣喘急

陳皮

桑白皮

生姜皮

大腹皮

茯苓皮

右以咀每服半兩水煎服

按此手足太陰藥也出太陽例

按萃摺密貝子丸治水氣鼓脹繫繫

猪實 一斗五升熬膏

白丁香 兩

茯苓 二斤

右為末用膏子為丸梧子大服至小便清利及腹脹消為度

後服中治調養藥

按此足太陽少陰藥也

機要茯苓湯治泄瀉後通身虛或附腫或水氣者

方見泄瀉門

按此足太陽陽明藥也

燥濕之劑

局方平胃散治脾經受濕泄而附腫

蒼朮

厚朴

陳皮

甘草炙

按此足陽明大陰藥也

胃苓湯治脾胃濕勝傷冷泄瀉附腫如水氣者

方見泄瀉門

按此足太陽太陰藥也

濟生實脾散治陰水發腫用此先實脾土

厚朴 姜製

白朮

木瓜

木香

乾姜 炮各兩

苳果仁

大腹子

附子

白茯苓

甘草 炙各半兩

右以咀每四錢入姜棗水煎服

按此手足太陽足三陰藥也

三因復元丹治脾腎俱虛發為水腫四肢虛浮心腹堅脹小便

不通兩目下腫

附子 炮兩

木香

茴香 炒

川椒 炒

獨活

厚朴

白朮

陳皮

吳茱萸 炒

桂枝 冬兩

澤瀉 二兩半

肉果 煨

檳榔 各半兩

右為末糊丸如梧子大每五十九紫蘇湯下

按此太陽例藥也然脾為太陰腎為少陰陰氣既虛故不能化而此藥恐不合是理但宜與脾腎受寒濕為病則可故已上諸方從燥濕例庶名實不紊若前云溲洩者溲為利毛竅溲為利水竅也

消導之劑

全廣積水湯

枳實半兩 白朮二兩

右二味以水五升取三升分温三服

揚氏消腫丸治水氣腹脹頭面四肢陰囊皆腫喘急欬嗽睡卧

不安小便赤澀

淡豉二兩 巴豆二兩水半升者去油

大戟 杏仁燒存性各半兩 五靈脂一分

右為末以生麩和杵千百下丸如菉豆大每五十丸煎桑白

皮湯下

東垣中滿分消丸治水氣熱脹

方見痞脹門

温白丸治十種水病

方見積聚門

按已上諸方並太陽例藥有輕重不同宜隨證選用

調理之劑

三因當歸散水腫之疾多由腎水不能攝養心火心火遂不能

滋養脾土故土制水水氣盈溢氣脉阻塞滲透經絡發為浮

腫之疾

木香 赤茯苓 當歸 桂

木通 赤芍 牡丹皮 檳榔

陳皮 白朮

右等分以咀每半兩入紫蘇五葉木瓜一片煎服

濟生加味腎氣丸治腎脾虛損腰重脚腫小便不利

白茯苓 兩

附子 半兩

澤瀉

桂

川牛膝

車錢子

山藥

山茱萸

牡丹皮 各兩

熟地黄 四兩

右為末煉蜜丸如梧子大每七十丸空心米飲下

按此二方並出太陽例丹溪曰治水腫脾胃虛者宜行濕利
小水使脾氣得實則自能健運自能升降運動其樞機則水
自行非五苓之行水也切不可下蓋慎之也然雖無所出之
法學者觀此例則思過半矣

雜方

嚴氏塗臍膏治水腫小便絕少

地龍

猪苓 去皮

針砂 各二兩

右為細末搗葱涎調成膏敷臍中約一寸高闊絹帛束之以
小便多為度日兩易

卷之二十二

玉機微義卷之二十三

脚氣明

辯南方脚氣所得之由

孫真人云凡四時之中守不得久坐久立濕冷之地亦不得因酒醉汗出脫衣跣足當風取涼皆成脚氣若暑月久坐久立濕冷之地者則濕熱之氣蒸人經絡病發必熱而四肢痠疼煩悶若寒月久坐久立濕冷之地者則濕冷之氣上入經絡病發則四肢皆酷冷轉筋世有勤工力學之士久坐久立干濕地冷風來入經絡不覺成病也若欲使之不成病者初覺則灸所覺處二三十壯則愈不復發黃帝云當風取涼醉以入房能成此疾也

東垣云千金外臺總錄所錄皆謂南方卑濕霧露所聚之地其
民腠理疎陽氣不能外固因而履之則清濕襲虛病起于下此
由血氣衰弱受清濕之邪氣與血併行於膚腠邪氣盛正氣少
故血氣澁澁則痺虛則弱故令痺弱也後人名曰脚氣針經云
有道以來有道以去治之多以灸熯為佳以導引濕氣外出及
飲醪醴以通經散邪所制之方寒藥少熱藥多用麻黃川烏姜
附之屬內經云濕淫于內以苦發之麻黃苦溫發之者也川烏
辛熱走而不能守通行經絡姜附辛甘大熱助陽退陰亦散清
濕之邪又察足之三陰三陽是何經絡所起以引用藥為主治
復審六氣中何氣客之治以佐使之藥孫真人云醫者意也隨
時增損物無定方真知言哉

辨北方脾胃氣所得之由

發明曰異法方宜論云北方者其地高陵居風寒冰冽其俗飲
澆醪而肉食凡飲澆醪者以飲多速飲為能經云因而大飲則
氣逆又云食入於陰長氣於陽今乃反行陰道是為逆也夫乳
酪醇酒者濕熱之物飲之屬也加以奉養太過亦滋其濕水性
瀦下氣不能收故下注於是脛積久而成腫滿疼痛此飲食下
流之所致也通評虛膏論云穀入多而氣少濕居下也况澆醪
醇酒之濕熱甚於穀者也至真要大論云太陰之勝火氣內宛
流散于外是脛胛腫飲發於中胛腫于下此之謂也故飲入於
胃遊溢精氣上輸于脾脾氣散精上歸于肺通調水道下輸膀胱
水精四布五經並行合於四時五臟陰陽揆度以為常也若

飲食自倍脾胃乃傷則胃氣不能施行脾氣不能四布故下流
乘其肝腎濕流於足控加之房事不節陽盡陰虛遂成脚氣孫
真人云古人少有此疾自永嘉南渡衣冠之人多有之亦此意
也

按此言北方脚氣為脾之濕氣下乘加之房事不節而致當
作內因處治可謂發病機之秘然南方是證亦真不為下虛
邪氣乘之故也以陳無擇所論外感當分風濕寒熱內臟虛
實所因為治迥出千金之文何此理又不復具而蓋北方此
證殊少耳學者審是則又知南方脚氣有全非外因者焉於
此蘇子等湯例可見

論脚氣脉證

論脚氣脉證

嚴氏曰古無脚氣之說內經名厥兩漢間名緩風宋齊之後謂
之脚氣名雖不同其實一也初得不覺因他病乃始發或奄然
大悶經三兩日方覺之先從脚起或緩弱疼痺或行起忽倒或
兩脛腫滿或足膝枯細或心中忪悸或小腹不仁或舉體轉筋
或見食吐逆惡聞食氣或胸滿氣急或遍體痠疼此其候之不
同也其脉浮而弦者起於風濡而弱者起於濕洪而數者起於
熱遲而濡者起於寒夫脚氣皆由腎虛而生然婦人亦病脚氣
者必因血海虛乘七情遂成斯疾兼今婦人病此者眾則知婦
人以血海虛而得之與男子腎虛類矣男女用藥固無異但兼
以治憂恙藥無不效也須量人盛衰微加滋補不然則氣血日

無必使年年遇蒸熱而作理之必然

陳無擇曰脚氣不專主一氣亦不專在一經故與中風寒暑濕為異耳兼有所雜生諸病未易分別須尋三陰三陽病所在後察脉虛實為治自汗之症為風勝無汗藥急掣痛為寒勝腫滿重者為濕勝煩渴熱積為暑勝四氣兼中者但推其多者為勝分其未衰以施治也脉浮為風緊為寒緩細為濕洪數為熱見於諸陽在外宜發散沉而弦者亦為風沉而緊者為寒沉細為濕沉數為熱見諸陰在內宜溫利之若大虛氣之間作補湯隨病冷熱而用之千金方論但備諸證不說陰陽經絡所受從何為治

按已上所言脉證但備四氣而已至於腫炊發瘡泡為濕熱熱毒之勝腫而重者有濕痰勝或腫或消兼氣不升降諸例皆所未詳陳云六經證見後各方下

論脚氣主在水濕

發明曰天脚氣之疾實水濕之所為也蓋濕之害人皮肉筋脉而属于下然亦有二焉一則自外而感一則自內而致其治法自應不同故詳析而論之其為病也有證而無名脚氣之稱自晉蘇敬始而關中河朔無有也惟南方地下水寒其清濕之氣中於人必自足始故經曰清濕襲虛則病起於下或者難曰今茲北方其地則風土高寒其人則腠理緻密而復多此疾者豈是地之濕氣感之而為邪答曰南方之疾自外而感者也北方之疾自內而致者也論其自外而入者止於下脛腫而痛

自內而致者乃或至于手節也經曰足脛腫曰水太陰所至為
附腫此但言其自外者也所治之法前人方論備矣自內而致
者治法則未有也

謹按前論南北二方脚氣之由已頗詳盡而發明更其此者
大抵言是證主於水濕而成故重宣此義合前二論之旨也
自內致者古無其法然觀東垣所出數方則意例兼備之矣

論江東嶺南瘴毒為脚氣

發明曰內經論南方者其地下水土霧露之所聚也江東嶺
南大率如此春夏之交山川蒸鬱風濕毒氣為其豆或感之遂
成瘡毒脚氣其候用脚先屈弱漸至痺疼脛微腫小腹不仁頭
痛煩心痰壅逆晡作寒熱便澀不通甚者攻心而勢迫治之誠
不可緩支法存所以留意經方偏善此術者豈非江東嶺表此
疾得之多歟

謹按南方溫熱多陰雨土濕之氣因熱蒸鬱人膚腠故踈豁
體虛者多感此疾及有遠行足熱乃過溪澗為水寒所傷而
致者至其傳變為證不一况瘴毒乎然近江東證多主於水
濕亦有夾風夾寒者其發時則或腫或痛濕熱勝者成水泡
瘡或成赤腫丹毒或如疔氣攻上引下皆宜詳悉分治
論脚氣似傷寒

詳見熱門病本不同例下

論南方脚氣病禁

外臺秘要云第一忌嘔嘔則心煩煩則脚氣發又禁大語大語

則傷肺肺傷亦發動又不得露足當風入水以冷水洗之兩脚
脛尤不宜冷雖暑月常須著綿袴至入寒倍令兩脛溫暖微汗
大佳依此將息氣漸薄損每至寅丑日割手足甲割少侵肉去
氣真時膝理開不宜當風卧睡睡覺令人按按勿令邪氣稽留
數勞動關節常令通暢此並養生之要拒風邪之法也尋常有
力每食後行三五百步疲倦便止脚中惡氣隨即下散雖浮腫
氣不能上也

發明云第一凡酒及滯物勿使過度過則損傷脾胃下在於足
脛肘腫遂成脚氣第二慾不可縱嗜欲則脚氣發凡飲食之後
宜緩行如上法經云逸者行之又云病在脾忌温食飽食濕地
濡衣

論脚氣踈下

楊大受云脚氣之疾自古皆尚踈下為疾癰故也然不可太過
太過則損傷脾胃使營運之氣不能上行反下注為脚氣也又
不可不及不及則使氣壅不得消散今立三方于後詳虛實而
用之

按二方醫學發明謂導滯湯導引丸除濕丹例是也然亦大
畧言爾如脚氣在表在氣血之分而踈下之法可例用乎

論脚氣洗滌

活人書云凡脚氣服補藥及用湯滌洗者皆醫之大禁也發明
謂此為南方外感濕氣乘虛襲入為腫痛而言非為北方內受
濕氣注下腫痛而言也蓋濕氣不能外達宜淋滌開導泄越其

邪也

論脚氣宜砭刺

楊太受云脚氣是為壅疾治當以宣通之劑使氣不能成壅也壅既成而盛者砭惡血而去其重勢經曰畜則腫熱砭射之也後以藥治之

發末之劑

三因麻黃左經湯治風寒暑濕流注是太陽經腰足纏痺關節重痛增寒發熱無汗惡寒或自汗惡風頭疼

麻黃

乾葛

細辛

白朮

茯苓

防己

桂

羌活

甘草

防風

右咬咀每半兩入姜棗煎服

按此出太陽例治風寒濕之藥也

半夏左經湯治足少陽經為風寒暑濕流注發熱腰脇疼痛頭目眩暈嘔吐不食熱悶煩心腿痺緩縱不隨

半夏

乾葛

細辛

白朮

麥門冬

茯苓

桂枝

防風

乾姜

黃芩

小草

甘草炙

柴胡

右咬咀每半兩入姜棗煎熟加竹瀝喘急加杏仁棗白皮

按此出少陽例解風寒濕熱錯雜之邪藥也

六物附子湯治四氣流注於是太陰經骨節煩疼四肢拘急目

汗短氣小便不利手足或時浮腫

附子

桂

防己各四錢

甘草炙二錢

白朮

茯苓各三錢

右咬咀每半兩入姜煎

按此出少陰例治寒濕之藥也

局方換骨丸治是三陰經為風寒暑濕之氣所乘發為癱痺緩

縱上攻胸脇肩背下注脚膝疼痛足心發熱行步艱辛

薏苡仁

南星

石楠葉

石斛

檳榔

草薺

川牛膝酒浸

羌活

防風

木瓜各四兩

黃芪

當歸

天麻

續斷各二兩

右為末酒糊丸如梧子大每五十九鹽湯下

按此出厥陰例踈風勝濕藥也

五積散

方見濕門

按此出太陽例治風寒濕之劑氣血藥也

更宜當歸栝痛湯治濕熱為病肢節煩疼肩背沉重胸膈不利
無遍身痠痛下注手足是脛腫痛不可忍者

方見瘡瘍門

按此出太陽例治濕熱之藥也

攻裏之劑

宣明瀉水丸治脚氣肘腫痠痛或發熱濕熱盛者

按此出陽明例治濕熱之藥也

除濕丹

方並見瀉門

按此出太陽例治濕透機關藥也

謹按脚氣多係濕熱為病世人用已上方每每收效收入然下
之法詳見前踈下論但下後便要收拾如滲之清之升之之
法是已學者宜擴充焉

發表攻裏之劑

三因大黃左經湯治四氣流注足陽明經使腰脚亦腫痛不可

行大小便秘或惡聞食氣喘滿自汗

細辛

茯苓

羌活

大黃煨

甘草炙

前胡

枳殼

厚朴製

蓄芬

杏仁等分

右咬咀每半兩入姜棗煎

按此出陽明例治濕熱踈風瀉氣藥也

加味敗毒散治足三陽經受熱毒氣流注脚踝上焮赤腫痛寒熱如瘡自汗惡風或無汗惡寒

羌活

獨活

前胡

柴胡

枳殼

桔梗

甘草

人參

茯苓

川芎

大黃

蒼朮 等分

右咬咀每半兩入姜煎

按此出少陽例治風濕熱氣血藥也

東垣羌活導滯湯治脚氣初發一身盡痛或肢節腫痛便溺阻隔先以此藥導之後用當歸拈痛湯

羌活

獨活各半兩

防己

當歸各三錢

大黃 酒濕煨兩 枳實炒二錢

右咬咀每五錢或七錢水煎服

按此出陽明例治風熱之藥也

理氣之劑

濟生檳榔湯治一切脚痛順氣防壅

檳榔

香附子

陳皮

紫蘇葉

木瓜

五加皮

甘草 炙各兩

右咬咀每四錢或半兩入姜煎

大腹皮散治諸脚氣腫痛小便不利

檳榔

荊芥穗

烏藥

陳皮

紫蘇葉各兩

羅白子炒半兩 沉香

桑白皮

枳殼炒各兩半

大腹皮三兩 木瓜二兩

紫蘇子炒

右吹咀每半兩入姜煎

澹寮方治脚氣入腹衝心疼痛腫滿大小便秘

沉香

木香

羌活

白芍

檳榔

各五錢

甘草

撫芎

青皮

枳殼

各三錢

紫蘇葉

木瓜

各錢半

蘇子六錢

右吹咀每半兩入姜煎

按已上三方因於氣滯氣壅者可用故收入然不可防壅而

服大抵因氣者宜取擇焉

理血之劑

金匱八味丸治足少陰經脚氣入腹腹脹疼痛上氣喘急腎經

虛寒所致也此證最急以腎乘心水尅火死不旋踵

方見補虛門

按此治陰虛挾寒濕之藥也

三因神應養真丹治足厥陰經為四氣進龍左癱右瘓痰涎半

身不遂手足頑麻語言蹇澀脚膝榮氣凝滯遍身疼痛

四物內加羌活天麻

右為末蜜丸雞子大每丸木瓜兔絲子浸酒下

按此治血虛挾風濕之劑也

加味四斤丸治足痿無力脚膝疼痛

方見痿門

按此治血虛挾風熱之劑也

理氣血之劑

三因紫蘇子湯治脚弱上氣陰陽交錯清濁不分上重下虛中
滿喘急嘔吐自汗無復紀律

紫蘇子微炒 半夏各五兩 前胡 厚朴製

甘草炙 當歸各兩 桂心 陳皮各三兩

右吹咀每四錢入棗姜煎服

按此出少陽例血虛氣逆者可用

通關透肌骨之劑

三因勝駿丸治元氣不足為寒濕之氣所襲腰足攣拳脚面連
指之痛無定筋脉不伸行步不隨常服益真氣壯筋骨

附子一箇炮 當歸酒浸宿 天麻 牛膝酒浸

木香 酸棗仁炒 熟地黄 防風各兩

木瓜四兩 羌活 乳香半兩 麝香二錢

全蝎炒 沒藥 甘草炙各兩

右為末用生地黄三斤研如泥入無灰酒四升煮爛如膏以
前藥和勻杵令堅每兩作十丸每丸細嚼臨睡酒下如冬月
無地黄煉蜜為丸如梧子大每五十九丸服

按此治血虛而風寒濕勝藥也氣血之劑

疎風養血之劑

獨活寄生湯治肝腎虛弱風濕內攻兩脛緩縱攣痛痺弱只膝

攣重

方見腰疼門

消濕之劑

東垣開結導引丸治飲食不消心下痞悶

白朮

陳皮

澤瀉

茯苓

神麩炒

麥蘖麩

半夏各兩

枳實炒

巴豆霜各錢半

青皮

乾生姜各半兩

右為末湯浸蒸餅丸梧子大每四五十九或七十九溫水下

按此治內傷飲食脾胃營運之氣有虧不能上升下注為脚

氣故用此導飲行水化脾氣也出太陽例然亦有致腫於身

腰已上及面者意見水腫論平治法下

雜洗

洗藥導氣除濕湯

歲靈仙

防風

荆芥

地骨皮

當歸

升麻

白芍

胡蘿蔔

右等分剉水二斗煮一斗五升去粗熱淋洗無時候

敷藥

白芷

蒼朮

羌活各兩

細辛二錢半

右為末生薑汁調敷患處

卷之二十三

玉機微義卷之二十四

諸疝門

小腸氣附

諸經敘疝脉證

內經曰厥陰脉滑則病狐疝少陰脉滑則病肺風疝太陰脉滑則病脾風疝陽明脉滑則病心風疝太陽脉浮則病腎風疝少陽脉浮則病肝風疝

針經曰心脉微滑為心疝引臍少腹鳴肝脉滑其為癰疝腎脉滑其為癰疝

按發明云夫滑脉關已上見者為大熱蓋陽與陽併也故大熱脉滑尺部見為大寒生癰疝滑脉者命門包絡之名也為丙丙丁熱火併於下蓋丙丁不勝壬癸從寒水之化也故生

癩疝然滑屬陰脉也病自內因寒亦與已上證同

難經曰任之為病其內苦結男子為七疝

按滑氏本義曰任脉起胞門行腹故病苦內結男為七疝女為瘦聚也

脉經曰腎脉大急沉為腎疝 肝脉大急沉為肝疝 心脉搏

滑急為心疝 肺脉沉搏為肺疝 三陰急為脾疝 三陰脾脉

也 寸口脉弦而緊弦緊相搏則為寒疝 跌陽脉虛遲為寒

疝寒疝繞臍痛若發則白汗出手足厥寒

諸經敘小腸氣

內經曰小腹控辜引腰脊上衝心唾出清水及為噦噦甚則入

心善忘善悲甲乙經曰邪在小腸也小腸病者小腹痛引腰脊

貫肝肺其經虛不足則風冷乘間而入邪氣既入則冷之證上

衝肝肺客冷散於胸結於臍控引辜丸上而不下痛而入腹甚

則衝於心胸蓋其經絡所係屬也啓玄子曰控引也辜丸陰丸

也

謹按寒邪始客於小腸因經絡並於厥陰故下控引辜丸為

痛雖亦如疝然止言小腸氣所以古人治法往往相類但自

有所兼之證殊爾

論疝氣屬寒

原病式曰癩疝少腹控卵腫急絞痛也寒主拘縮故也寒極而

土化制之故腫滿也經言丈夫癩疝謂陰器連少腹急痛也故

言婦人少腹腫皆肝是厥陰之脉也經注曰寒氣聚而為疝也

又按經言五臟皆主疝但脉急也注言脉急者寒之象也然寒則脉當短小而遲今言急者非急數而洪也由緊脉主痛急為痛甚病寒雖急亦短小也所以有痛而脉緊急者脉為心之所養也凡六氣為痛則心神不寧而緊急不得舒緩故脉亦從之而見也欲知何氣為其病者適其緊急相兼之脉而可知也如緊急洪數則為熱痛之類也又經言脾傳之腎病名曰疝瘕少腹煩寃而痛出白蠱注言少腹痛洩出白液也一作客熱內結銷燦脂肉如蠱之食故名白蠱也然經之復言熱為疝瘕則亦不可止言為寒當以脉證別之

論疝氣屬濕熱

丹溪曰疝痛之甚者辜丸連小腹急痛也或有形或無形或有

聲或無聲自素問以下皆以為寒蓋經絡得寒收引不行所以作痛世有得寒而無疝者又必有說以通之可也予屢錫米徒涉不曾病此以予素無熱也因而思此病始於濕熱在經鬱遏至久又感外寒濕熱被鬱而作痛若只作寒論恐為未備或曰此證多客厥陰一經濕熱之積何由而致予曰夫勞則火起於筋醉飽則火起於胃房勞則火起於腎大怒則火起於本經火鬱之久濕氣便盛濁液凝聚并入血隧流於厥陰肝屬木性達急火性暴為寒東宜其痛甚而暴也愚見古方以烏頭梔子等分作湯用之其效亦速後因此方隨形證加減無有不應又須分濕熱多少而治之但腫多為濕癰是也却有水氣而腫又有挾虛而發者當以參朮為君而佐以踈導診其脉沉緊而豁大者

定也若不以補劑而行決裂之法禍不旋踵

論疝證有寒有熱

發明曰經云三陽為病發寒熱下為壅腫及為痿厥臍痛其傳為索澤其傳為癰疝夫熱在外寒在內則累垂此九夏之氣也寒在外熱在內則卵縮此三冬之氣也是太陽膀胱之脉逆上迎乎太陽小腸之脉下行至是厥陰肝之脉不得伸其任脉並厥陰之脉逆則如巨川之水致陽氣下墜是風寒濕熱下出囊中致兩鞞腫大謂之曰疝太甚則為癰是厥陰肝之脉與大腸膀胱寒水之脉同至前陰之末傷寒家說是厥陰肝經為病煩滿囊縮急下之宜大承氣湯以瀉大熱靈樞經云是厥陰肝經筋中以為寒則筋急手卵縮為大寒前說囊縮為大熱此說為大

寒此說囊縮垂鞞下引癰疝脚氣為大寒風濕盛下垂為寒與

上二說不同

按釋云以平康不病之人論之夏暑大熱囊卵累垂冬天大寒急縮收上與前三說又不同何也是相乖耶不相乖耶答曰傷寒家囊卵縮大熱在內宜承氣湯急下之與經筋說囊卵縮大寒在外亦是熱在內與傷寒家同故再引平康之人以證之冬天陽氣在內陰氣在外人亦應之故寒在外則皮急皮急則囊縮夏月陰氣在內陽氣在外人亦應之故熱在外則皮緩皮緩則囊垂此癰疝之象也三說文殊皆一理也用藥者詳而審之故已上三論各有所主兼此考訂則脉證陰陽寒熱虛實之異判然矣

論疝分三因

陳血擇曰經云七疝諸疝等更不見名狀但出寒疝癩疝而已
唯太古論列五臟脉為五疝言鼻前大抵血因寒泣則為瘕氣因
寒聚則為疝但五臟脉理不同不可不辯且腎脉本沉心脉本
滑受寒則急於理乃是肝脉本弦肺脉本濇並謂之沉未為了
義又釋不出本脉但云急為疝亦文義之缺也凡云急者緊也
緊為寒亦可類推且賊風入腹亦為疝冒暑履濕皆能為疝當
隨四氣改易急字風則浮弦暑則洪數濕則緩細於理明要知疝
雖兼臟氣皆外所因也寒泣風散暑鬱濕著絞刺擊搏無有定
處倉卒之際痛不堪忍世人稱為橫弦豎弦膀胱小腸氣賊風
入腹等名義不同證狀則一

按此辨脉證之異頗詳但溫寒散風利暑燥濕之方未積備

然陳氏具此意蓋欲學者自擴充爾

論疝氣不宜預補

許學士云大抵此疾因虛得之不可以虛而驟補經云邪之所
湊其氣必虛留而不去其病則實故必先滌所畜之熱然後補
是以諸方多借巴豆氣者蓋謂此也

謹按疝證雖始為因虛而得必邪實迫痛而未下故當先瀉
而後補也至有虛甚迫痛上為吐逆或下有遺精者此邪實
正虛之甚矣此欲不補可乎但恐補之則無益瀉之則正氣
轉陷幸而獲生者鮮矣

論疝本肝經宜通勿塞

子和曰疝有七前人論者甚多非靈樞素問銅人之論余皆不
取非余好異也但要窮其原耳俗工不識因立謬名或曰膀胱
或曰腎俞或曰小腸氣立名既謬併喪其實何哉蓋醫者既斷
為膀胱腎俞小腸氣必曰虛寒所致其藥之用也不附于烏頭
則乾姜官桂之類餌之曾無殊効浸成大錯曾與覺者豈知諸
疝皆歸肝經其素膚流歸之小腸膀胱夫膀胱水府專司滲泄
小腸水道專主通流腎為少陰總統二水人之小溲自胃入小
腸後入膀胱膀胱者脬囊也氣化則水出至端此常道也及其
為疝乃屬足厥陰肝經蓋環陰器而上入小腸者是厥陰肝經
也夫肝腎皆属于下與衝任督相附然靈樞經言足厥陰肝經
病則有遺溺癃閉狐疝主腎與膀胱小腸三經則不言疝是受

疝之處乃肝之部分也且內經男子宗筋為束骨之會也而肝
主筋罌者囊中之丸雖主外腎非厥陰環而引之與玉莖無由
伸縮在女子則為篡戶其內外為二其一曰廷孔其二曰竅漏
此是厥陰與衝任督之所會也靈樞言足厥陰之經筋聚于陰
器其病傷於寒則陰縮入傷於熱則縱挺不收治在行卧漬陰
器故陽明與太陰厥陰之筋皆會于陰器惟厥陰主筋故為疝
者必本之厥陰靈樞又言足厥陰之列名曰蠱溝去內踝五寸
別走少陽循脛上臑結於莖其病氣逆臑腫卒疝實則挺長虛
則暴瘁取之所別矣豈非厥陰為受病之處耶靈樞又言邪在
小腸連繫係屬於腎貫肝絡肺心系氣盛厥逆上衝腸胃燻肝
散於臑結於臍故取之臑原以散之刺太陰以平之取厥陰以

下之取巨虛下廉以去之按其所遇之經以調之此其初雖言邪在小腸至其治法必曰取厥陰以下之乃知諸疝關於厥陰可以無疑以脉考之素問論六疝雖見於他脉中皆言風疝者足厥陰肝經之氣也靈樞亦云三臟脉之疝皆以滑為疝也三陰急為疝三陽急為瘕王太僕云太陽受寒血凝為瘕太陰受寒氣聚為疝此言太陰受寒傳之肝經也可以溫藥逐之不可以溫藥補之若補之者是欲病去而強挽留之也歷考素問三陽為病發寒熱其傳為癰疝此亦言膀胱非受病之處必傳於厥陰部分然後為疝也又言病在少腹腹痛不得大小便病名曰疝得之寒言脉急者曰疝瘕少腹痛凡言少腹者豈非厥陰之部分耶又言脾風傳胃名曰疝瘕此謂非肝木不能為風氣名曰疝疝蓋脾土虛而不能制水又為肝木所凌也又言督脉為衝疝蓋厥陰與衝任督俱會於前陰也豈不明哉又嘗遍閱銅人俞穴亦相表裏惟厥陰言疝獨多為疝之主也其它經穴雖亦治疝終非受疝之地但與足厥陰相連耳如運氣或在泉寒勝木氣鬱縮禁於此經或司天燥勝木氣抑鬱於此經或忿怒悲憂憂抑頓結於此經或藥淋外因閉尾縮精壅於此經其病差別如此且夫遺溺閉瘕陰痿精滑白淫皆男子之疝也不可妄歸之腎冷血涸不月月罷腰膝上熱足暨監乾癯閉少腹有塊或之或移前陰突出後陰痔核皆女子之疝也但女子不謂七疝而謂之瘕若年少而得之不計男子婦人皆無子故隱蔽委曲之事了不干脬腎小腸之事乃是厥陰肝經之

職也。素俗方止言將腎小腸，殊不言肝木。一句惑人甚矣。且肝經乙木也，木屬東方為心火之母也。凡痼者非肝木受邪則肝木自甚也，不可便言虛而補之。難經所謂東方實西方虛，瀉南方補北方，此言瀉火木自平，金自清，水自王也。七疝下去其病之後，可調則護，可補則補，各量病勢，勿拘俗法。經所謂陰盛而腹脹不通者，癰癧疝也，不可不下。

七疝名狀

寒疝其狀囊冷結硬如石，陰莖不舉，或控辜丸而痛，得於坐卧濕地，或寒月涉水，或置雨雪，或坐卧磚石，或風冷處，使內過勞，宜以溫劑下之，而無子。

水疝其狀腎囊腫痛，陰汗時出，或囊腫而狀如水晶，或囊瘁而操其黃水，或少腹中按之作水聲，得於飲水醉酒，使內過勞，汗出而遇風寒濕之氣，聚於囊中，故水多令人為卒疝，宜以逐水之劑下之，有漏針去水者，人多不得其法。

筋疝其狀陰莖腫脹，或潰或膿，或痛而裏急，筋縮或莖中痛，痛極則痒，或挺縱不收，或白物如精，隨溲而下，久而得於房室勞傷及邪術所使，宜以降心之劑下之。

血疝其狀如黃瓜，在少腹兩傍，橫骨兩端，約中俗云便癰，得於重感春夏大燥勞於使內，氣血流溢，滲入將囊，留而不去，結成癰腫，膿少血多，宜以和血之劑下之。

氣疝其狀上連腎區，下及陰囊，或因號哭忿怒，則氣鬱之而脹，怒哭號罷則氣散者是也。有一治法，以針出氣而愈者，然針有

得矢宜以散氣之藥下之或小兒亦有此疾俗曰偏氣得於父
已年老或年少多病陰痿精怯強力入房因而有子胎中病也
此疝不治惟築賓一穴言之

狐疝其狀如老卧則入小腹行立則出小腹入囊中狐則晝出
穴而溺夜則入穴而不溺此疝出入上下往來正與狐相類也
亦與氣疝大同小異今人帶鉤鈴是也宜以逐氣流經之藥下
之癰疝其狀陰囊腫綻如升如斗不痒不痛是也得之地氣卑
濕所生故江淮之間湫澹之處多感此疾宜以去濕之藥下之
女子陰戶突出雖亦此類乃熱則不禁固也不可便謂虛寒而
澁之燥之補之本名曰瘕宜以苦下之以苦堅之

按已上所論病本經絡之原至為詳盡但七疝名固不同治

法當異然俱用攻下之法愚切疑焉雖仲陽亦曰肝為相火
有瀉無補丹溪有曰肝只是有餘腎只是不足夫厥陰一經
受疝宜通勿塞固宜亦當視其淺深而行之可也况有邪氣
止客於膀胱小腸之經者若平於少陰腎經則宜通勿塞之
法可例用乎

諸疝門

治寒之劑

金匱烏頭桂枝湯治寒疝腹中痛逆冷手足不仁若身疼痛灸刺諸藥不能治者

烏頭蜜一斤煎減半去滓三箇

桂枝湯煎解蜜半兩

右每服二合不知二合其知者如醉狀得吐者為中病也若白汗出脈沉弦者止用烏頭煎

按此用桂枝因身疼痛兼表有寒也太陽例藥三因大烏頭桂枝湯治風寒疝氣腹中刺痛手足不仁身體拘急不得轉側或致陰縮

大烏頭五箇去皮尖蜜煎過洗切 桂心

白芍各三錢

甘草一錢

右以咀每四錢入姜棗煎

補腎湯治寒疝入腹小腹疼痛時復泄瀉胸膈痞塞

人參 茯苓 黃芪 附子炮

白朮各兩 沉香四錢 木瓜一兩半 羌活半兩

甘草炙 川芎各錢 紫蘇三錢

右以咀每三四錢入姜棗煎

局方奪命丹治遠年日近小腸疝氣偏墜搐攣臍下撮痛以致悶亂及外腎腫硬日漸滋長陰間濕痒抓成瘡

吳茱萸淨斤四兩用酒醋湯童便各浸過一宿焙乾

澤瀉二兩

右為細末酒煮麩糊丸如梧子大每五十九空心鹽湯下
菜羹內消丸治腎經虛弱膀胱為邪氣所搏結成寒疝陰癩偏

大

山茱萸 養

陳皮

吳茱萸

馬蘭花

木香

肉桂

山藥

川練子

青皮

茴香

右為末酒糊丸如梧子大每五十九空心溫酒送下

百一選方十補丸治小腸寒疝

附子

一兩用防風二兩到鹽四兩黑豆二合同炒取附子去皮尖用

葫蘆巴

木香

巴戟肉

川練肉

官桂

玄胡

華澄茄

舶上茴香

破故紙 炒 一兩

右為末糯米粉酒打糊丸梧子大朱砂為衣每五十九空心

酒下

葫蘆巴丸治小腸氣蟠腸氣奔豚疝氣偏墜陰腫小腹有形如

卵上下來去痛不可忍或絞結繞臍攻刺嘔吐者

葫蘆巴 炒 斤

大巴戟 炒 斤

川練子 炒 斤

兩川烏 炮 斤

吳茱萸 湯洗 七次 炒 十兩

茴香 二兩 炒

右末酒糊丸梧子大每十五至二十九空心溫酒下

按此與前方加減不同故兩存之

寶鑑沉香桂附丸治中氣虛弱甚脾胃虛寒臟腑積冷心腹疼

痛手足厥逆冷便利無度七疝引痛不可忍喜熱熨少緩者

沉香

附子炮

川烏炮

乾姜炮

良姜

官桂

吳茱萸

香炒各兩

右末好醋煮糊丸梧子大每五十九至七八十九丸空心米飲下

按已上諸方並太陽例藥然初感寒邪所至或素虛寒之人宜此劫之皆可但久病者多有濕熱寒濕血虛等證之變入而用者自宜詳審

治濕之劑

元戎加味五苓散治疝氣卒痛小便澀

本方加川練一分

右末空心米飲調下一二錢

按此滲洩之劑也

攻下之劑

局方三白散治膀胱蘊熱濕熱相乘陰囊腫脹大小便不利

白牽牛兩

桑白皮炒

木通

白朮

陳皮 各半兩

右末每二錢姜湯調下空心服

復元通氣散

船上茴香

川山甲 蛤粉炒各兩

陳皮

牽牛末炒

玄胡

甘草炒各兩

木香 二兩半

右細末每一大錢熱酒食前調下

戴人島功散

黑牽牛 頭末四兩

茴香炒二兩

右為末以生姜自然汁調一二錢臨睡服或加白朮一兩
實鑑控引牽丸治小腸病結上而不下痛引心臆

茴香

川練實各炒

石茱萸

陳皮

馬蘭花

醋炒各二兩

羌花

醋炒半兩

右為末醋糊丸梧子大每十九至二十九空心温酒送下

茴香練實丸治陰疝痛不可忍及小腸氣痛

川練炒

茴香炒

山茱萸

石茱萸

吳茱萸

青皮

陳皮

羌花

醋炒

馬蘭花 各等分

右末醋糊丸梧子大每二十九温酒送下食煎

天台烏藥散治小腸疝氣牽引臍腹疼痛

烏藥

木香

茴香炒

青皮

良姜炒各半兩

檳榔 二箇

川練十箇

巴豆七粒

右先以巴豆微打破同川練麩炒黑去麩及巴豆不用外餘
藥同末酒調下一錢甚者姜酒亦得

按已上諸方並下氣之藥也治寒之例宜隨輕重取擇

濕熱之劑

濟生葵子湯治膀胱實熱腹脹小便不通口舌乾燥

赤茯苓

猪苓

葵子

枳實

瞿麥

木通

黃芩

車前子

滑石

甘草等分

右吹咀每半兩入姜煎空心服

按此八正散加減法也水類鈴方例為治疝之劑頗有理故

收入

子和導水丸

方見濕門

按此陽明例藥也然濕熱鬱結於下焦非此莫能療氣血皆
可用

冷熱之劑

寶鑑疾利湯治陰疝疼痛

疾利膏

附子炮

梔子夏冬各半兩

右末每三錢水煎食前溫服

丹溪方定疝氣疼痛速效

枳殼

山梔子

唐菟子

吳茱萸昔炒過

荔枝核

右末用長流水調下一二錢空心服

又方治陽明受濕熱傳入太陽惡寒發熱小腹連毛際結核照

痛不可忍

疝子炒

桃仁炒

枳殼炒

唐菟子等分

右末於砂鉢內入姜汁用水一鍾盪起煎熱服

按已上太陽例藥也

理氣之劑

局方結毒散治寒疝氣疝衝心疼痛

玄胡

蒼朮

甘草各半斤

茯苓

遠志

三稜

青皮六兩

丁皮

砂仁

檳榔各四兩

桂

乾姜二兩

右為末每服二錢入連鬚葱一莖水煎空心服

此散治冷疝寒氣卒痛

草果

砂仁

檳榔

厚朴

肉豆蔻

羌活

蒼朮

陳皮

萹澄茄

枳殼

良姜

茯苓

茴香

大麥蘖

川芎

甘草各二兩

右咬咀或散每半兩水煎入鹽

按此二方並燥脾導氣之藥劫劑也世俗多用之故收入

寶鑑川苦練散治小腸氣痛不可忍

廣木香

茴香

鹽一匙炒薑各二兩

大川練子一兩對月巴豆半粒破皮同炒黃去巴豆

右為細末每二錢溫酒一盞空心調下

按此導手太陽寒氣之藥較之前二方治疝此殊有理

理血之劑

金匱當歸生薑羊肉湯治寒疝腹中痛及脇痛裏急

當歸三兩

生薑五兩

羊肉一斤

右三味以水八升煮取三升溫服七合日三若寒多加生薑

嘔者加陳皮二兩白朮一兩

蜘蛛散治陰狐疝氣偏有大小時時上下

知珠 古夜養焦

桂枝 半兩

右二末為散取八分匕飲和服日再服蜜丸亦可
三因失笑散治小腸氣痛

五靈脂

蒲黃 等分

右為末每二錢先用醋一合熬成膏水一盞煎
理氣血之劑

本方立效散

川芎

川練子

青皮

舶上茴香

牽牛炒

桃仁 各兩

右為末每二錢無灰酒一盞煎食前溫服

三因葱白散治一切冷疝痰瘕

川芎

當歸

枳殼炒

厚朴炒

官桂

青皮

乾姜

茴香炒

茯苓

川練子

麥蘖炒

神麩炒

三稜炮

莪朮炒

熟地黃

白芍

木香

人參 各兩

右咀三錢葱白二寸鹽少許空心服

東垣丁香練實丸治男子七疝痛不可忍婦人瘦聚帶下皆任
脉所主陰經也乃腎肝受病故治同法

當歸

附子炮

茴香炒

川練 各兩

右剉細用好酒三升同煮盡為度焙乾作細末每藥末一兩
入

丁香

木香 各半錢

玄胡索 五錢

全蝎

十二箇

右為末入在前藥末內拌勻酒糊丸梧子大每三十九丸加至百丸空心温酒送下

按已上方與前理血之劑並屬陰例藥也然諸經論疝三不風蓋指厥陰風木之氣爾故疝病則多疝痛亦木氣之實即風象也但古今方多主寒主氣論治然疝者不察氣寒淺深之異以分治則不能不與差悞也觀東垣之法庶幾近理大抵亦不可視為常例蓋腎惡燥恐久則反增其勢矣

熨法

嚴氏云鹽半斤炒極熱以故帛包熨痛處

一法用葱白泥一握置臍中上用熨斗熨之或上置艾灼之妙

卷之二十四

玉機微義卷之二十五

反胃門

噎膈同附

反胃脉法

難經云脉格則吐逆

見難經

脉經云緊而滑者吐逆小弱而濇胃反

千金云寸緊尺濇其人胸滿不能食而吐吐止者為下之故不

能食設言未止者此為胃反故尺為微濇

敘吐脉證

金匱云病人脉數數為熱當消穀引飲而反吐者以發其汗令陽微膈氣虛脉乃數數為客熱不能消穀胃中虛冷故也脉弦者虛也胃氣無餘朝食暮吐變為胃反寒在於上醫反下之今

脉反弦故名曰虛

跌陽脉浮而濡浮則為虛濡則傷脾脾傷則不磨朝食暮吐暮食朝吐宿穀不化名曰胃反脉緊而濡其病難治

論膈噎治病之因

丹溪云胃為水穀之海脾為消化之器清和則健而運行世人以痰飲嘔吐諸氣多服香熱之藥偏助氣血沸騰其始也胃液凝聚其久也脾氣耗敗傳化漸遲又以烏附丹劑服之積久血液俱耗胃脘乾槁其槁在上近咽之下水飲可行食物難入間或可入入亦不多名之曰噎其槁在下與胃為近食雖可入難盡入胃良久復出名之曰膈亦曰反胃大便秘小若羊矢然名雖不同病出一體或曰千金治噎膈反胃不嘗慶妻桂等藥何吾工之多言也予曰氣之鬱滯久留清道非借香熱不足以行然悉有大黃石膏竹茹芒硝澤瀉前胡朴硝茯苓黃芩蘆根瓜蒌等藥為之佐使其始則同其終則異也病邪易伏其病自安

論五噎五膈

嚴氏云三四同五噎五膈者由喜怒不常七情傷於脾胃鬱而生痰痰與氣搏升而不降飲食不下蓋氣留於咽噎者則成五噎結於胸膈者為五膈五噎之名憂思勞食氣也五膈之名憂恚寒熱氣也其病令人胸膈痞悶嘔逆噎塞妨礙飲食治法調順陰陽化痰下氣陰陽平勻氣順痰下則病無由而作矣

按膈噎之證皆由氣聚成積自積成痰痰積之久血液俱病以其為病在咽在膈故前人立膈噎二者之名三因方又分

五噎五膈病狀徒有其名為治則一而已故不敘焉又嚴氏
為化痰下氣之說夫氣之不下痰之不化必有為病之因苟
不治其本而專以香燥之藥治其標痰氣何由而自下也
論三陽結為膈病

子和云內經曰三陽結謂之膈三陽者大小腸膀胱也結謂熱
結也小腸熱結則血燥大腸熱結則不圓膀胱熱結則津液
涸三陽既結則前後閉滯下既不通必反上行所以噎食不下
繼下而復出也此陽火不下推而上行也故經曰少陽所至為
嘔涌溢食不下此理明矣後世強分為十膈五噎其派既多其
惑滋甚人之溢食初未遽然也或傷酒食或胃熱欲吐或胃風
欲吐醫者不察本原按下香桂胡椒丁香之屬設如傷酒傷食
正可攻逐豈可言虛便將熱補素熱之人三陽必結食必上潮
醫氏猶云胃寒不納燔針灼艾三陽轉結歲月彌深遂成噎病
世傳五噎寬中散有姜有桂十膈散有附有烏其可用乎今代
劉河間治膈氣噎食承氣三湯獨超近代用藥之時更詳輕重
假如閉久宜先潤養小著湯丸累累加之關竅自透其或咽噎
上阻痰涎微用酸苦涌出因而治下藥勢易行設或不行蜜蓋
下導結散陽消飲食自下莫將巴豆耗却天真

按此論三陽結為膈病力開世俗言胃冷用熱藥之誤可謂
明矣但用藥專指承氣而言則失之太峻蓋此藥有實熱者
可用之其有脾胃衰虛并血液枯竭之人皆在所禁也
論噎為諸氣所致

鍼經曰怒氣所至食則氣逆而不下勞氣所至為咽噎病為喘促思氣所至為中痞三焦閉塞為咽噎不利

論噎塞由陰中伏陽所致

發明曰噎者六腑之所生陽也氣也塞者五臟之所生陰也血也二者皆由陰中伏陽而作也

謹按噎為七情所發或因三焦傳化失常所致此即主於氣也或血液所虧胃脘乾槁或血積所致即皆因於血也塞由填塞不通之義故發明有治幽門不通噎塞不便通幽湯例蓋陽無陰不能施化陰之失位而陽伏其中傳化不變而反上行矣然人有所擊撲墜跌內致血瘀忽即吐而食不能納此由氣血俱傷所可見也大抵始由氣致者初當從氣治之由血致者當從血治之豈可類用香熱之劑反耗氣血耶但世俗拘泥不能究乎病情遂成危證也悲夫

治吐分三焦法

病機云治吐有三氣積寒也皆從三焦論之上焦吐者皆從於氣氣者天之陽也其脉浮而洪其證食已暴吐渴於飲水大便燥結氣上衝胸發痛其治當降氣和中中焦吐者皆從於積有陰有陽食與氣相假為積而痛其脉浮而匿其證或先痛而後吐或先吐而後痛治法當以小毒藥去其積檳榔木香行其氣下焦吐者皆從於寒地道也其脉沉而遲其證朝食暮吐暮食朝吐小便清大便秘而不通治法當以毒藥通其閉塞溫其寒氣大便漸通復以中焦藥和之不令大便秘結而自愈也

按此分三法治吐以上焦為陽陽主熱下焦為陰陰主寒中焦為寒熱相半之分有陰而有陽此亦大畧之法耳蓋以其在上者則食已而暴吐在下者則食久而始吐夕暴之間所以為寒熱之別難專以上下為寒熱之別也王冰曰食不得入是有火也食入反出是無火也與此同意又原病式曰嘔涌溢食不下火氣炎上胃膈熱甚則傳化失常故也

論治噎之法并治驗

丹溪曰或云胃脘乾槁其治可得用乎予曰古方用人參以補肺御米以解毒竹瀝以清痰乾姜以養血粟米以實胃蜜以潤燥正是此意張雞峯亦曰噎膈是神思間病惟內觀自養可以治之此言深中病情治法亦為近理夫噎病生於血乾夫血陰

氣也陰主靜內外而靜則臟腑之火不起而金水二氣大勝陰血自生腸胃津潤傳化合宜何噎之有因觸類而長之曾製一方治一中年婦人以四物湯加和白陳皮去皮留尖桃仁生甘草酒紅花濃煎入驢尿飲以防其或生虫也與數十貼而安又台州一匠者年僅三十勤於工作而有艾妻且喜酒面白其肌瀦重則大而無力令謝去工作卧於牛家取新温牛乳細細呷之每頓盡一杯一晝夜可五七次盡却食物以漸而至八九次半月大便潤月餘而安或口乾蓋酒毒未解間飲甘蔗汁少許或又曰古方治膈噎未有不言寒者何也予曰古人著方必為當時抱病設也其證實因於寒故用之得効非以為定式也但今人為染此病率因痰氣久得醫藥傳變而成其為無寒也明

矣

謹按反胃之證其始也或由飲食不節痰飲停滯或因七情
過用脾胃內虛而作古方不察病因悉指為寒用香燥大熱
之藥治之夫此藥止能逐寒邪行滯氣其於飲食痰積豈能
祛逐七情之火反有所熾脾胃之陰反有所耗是以藥助病
邪可以深痼其中病情丹溪先生言之詳矣夫治此疾也咽
嗝閉塞胸膈痞悶似屬氣滯然有服耗氣藥過多中氣不運
而致者當補氣而自運大便燥結而羊矢似屬血熱然服通
利藥過多致血液耗竭而愈結者當補血潤血而自行有因
火逆衝上食不得入其脉洪大有力而數者或痰飲阻滯而
脉結滯者當清痰泄熱其火自降有因脾胃陽火亦衰其脉

沉細而微者當以辛香之藥以助其氣仍以益陰養胃為要
非如局方之惟務燥烈也若夫不可戒忌厚味虛勞之人及
年高無血者皆不能痊也

反胃門

和中利痰散氣之劑

金匱大半夏湯治胃反嘔吐者千金云治反胃不受食食入即吐

半夏二升

人參二兩

白蜜升

千金有白木生薑

右以水一斗二升和蜜揚之二百四十遍煮藥取一升半溫服一升分再服

茯苓澤瀉湯治胃反吐而渴欲飲水者

茯苓升

澤瀉四兩

甘草

桂枝

各二兩

白朮三兩

生薑四兩

右水一斗煮取二升內澤瀉再煮取二升半溫服八合日三

外臺有小麦一升

按已上二方兼出太陰嘔吐熾例藥也

病機和中桔梗湯治上焦氣熱上衝食已暴吐脉浮而洪

桔梗

兩半

半夏麴二兩

陳皮去白

枳實炒

白茯苓各兩

白朮一兩半

厚朴一兩姜製

煮法如前

右以水一斗煮取一兩取清溫調木香散二錢隔夜空服三服之後氣漸下吐漸止然後去木香等末每料中加芍藥二兩黃芩一兩半服之病愈即已如大便燥硬食不盡下以大承氣湯去硝微下之少利為度再服前藥補之

木香散方檳榔木香各等分為末

按此太陰陽明經藥也

治風木之劑

病機青鎮丸治上焦吐頭發痛有汗脉弦

柴胡兩

黃芩五分

甘草半兩

青黛二錢半

人參半錢

右為細末姜汁浸蒸餅為丸如桐子大每服五十九生薑湯下食後

按此少陽經藥也

金花丸治吐食而脉弦者由肝乘於脾而吐宜治風安脾

半夏一兩

檳榔二錢

雄黃二錢半

右細末如上法丸姜湯下從少至多漸次服之

按此厥陰例藥也青鎮丸治肝火之藥金花丸治風痰乘於

脾胃之藥故總入風木之劑

治熱踈下之劑

金匱大黃甘草湯治食已即吐者

大黃四兩

甘草一兩

右水三升煮取一升分溫再服

按此出太陰嘔吐噦例藥也

病機荆黃湯治暴吐者上焦熱氣所衝也脉浮而洪

荆芥穗二兩

人參五錢

甘草二錢半

大黃三錢

右粗末都作一服水煎去滓調檳榔散二錢空心服

檳榔散方檳榔二錢木香一錢半輕粉少許為丸亦可

按此厥陰陽明太陽經藥也

發明人參利膈丸治胸中不利痰嗽喘滿利脾胃壅滯治膈氣
聖藥

木香

檳榔 七錢半

人參

當歸

藿香 兩

甘草

枳實 各兩

大黃 酒浸

厚朴 製二兩

右為末滴水丸桐子大溫水送下

按此太陰陽明經藥也

治寒之劑

病機紫沉凡治中焦吐食由食積與寒氣相侵故吐而痛

半夏 麩

代赭石

砂仁 各二錢

杏仁

沉香

木香

白朮 各二錢

烏梅肉

丁香

檳榔 各錢

橘皮 二錢

肉果

巴豆霜 各半錢 另研

右為末入巴豆霜令勻醋糊為丸如黍米大每服五十丸食

後柿霜湯下吐愈則止

按此太陰陽明經藥也

厚朴丸主翻胃吐逆飲食噎塞氣上衝心腹中結疾

厚朴

黃連 二兩半

吳茱萸 湯洗七次

紫苑

葛蒲

柴胡

桔梗

茯苓

皂角 炙

桂 剉

乾姜 炮

巴豆霜 另研 蜀椒 炒汗

人參 各半兩

川烏頭 炮去鱗 二兩半

右為細末入巴豆霜勻煉蜜為劑旋丸桐子大每服三丸漸

次加之以利為度善湯下春夏加黃連二兩秋冬加厚朴二兩

按此太陰陽明厥陰經藥也

理氣之劑

嚴氏五噎散治五噎食不下嘔呃痰多咽喉噎塞

人參

半夏

桔梗炒

白豆蔻

木香

枳殼炒

白朮

旱澄茄

沉香

枇杷葉

乾生姜各兩 甘草各半兩

右細末每服二錢入生姜七片煎服

五膈散治五膈胸膈痞悶諸氣結聚助脇脹滿痰逆惡心

枳殼炒

木香

青皮

大腹子

白朮

半夏麴炒

丁香

天南星

乾姜炒

麥蘖炒

草果仁各兩 甘草炙半兩

右細末每服二錢水煎入姜

局方五膈寬中散治七情四氣傷于脾胃以致胸膈痞滿停痰

氣逆遂成五膈之病

青皮

陳皮

丁香各四兩

厚朴製一斤

甘草炙五兩

白豆蔻一兩

香附子炒

砂仁

木香各三兩

右為末每服二錢姜鹽湯點服

按已上三方並太陰陽明經藥也

謹按反胃諸方古方悉是香燥大熱之藥皆不足為法今姑

存其一二至於丹溪所言補血益陰潤燥和胃調中等藥雖無其方自宜隨證用之觀其立論則思過半矣

雜方

燒針丸

方見小兒門

卷之二十五

玉機微義卷之二十六

脹滿門

諸經敘脹所因

鍼經曰夫脹者皆在於臟腑之外排臟腑而廓胸脇脹皮膚故命曰脹或厥氣在下榮衛留止寒氣逆上真邪相攻兩氣相搏乃合為脹也

按論中備五臟六腑發脹為諸證宜玩本文

內經曰諸腹脹大皆屬於熱 腹滿臌脹支滿眩脇下脹上胃過在太陰陽明乃寒濕鬱遏也

原病式曰腹脹大鼓之如鼓氣為陽陽為熱氣甚則如是也

脉法

針經曰其脉大堅以瀦者脹也

脉經曰關上脉虛即脹內 遲而滑者脹 脉盛而緊者脹

嚴氏曰脹脉浮者易治虛者為難

論脹分三因

陳無擇云臟氣不平勝乘相因為病如怒傷肝肝尅脾脾氣不正必脹於胃名曰勝尅怒乘肺肺氣不傳必脹於大腸名曰乘尅憂思結聚本臟氣鬱皆內所因或胃寒暑風濕隨經絡傳至陽明致脹者屬外因飲食飢飽生冷甜膩聚結不散或作疝塊膨脹滿悶屬不內外因也

按此論肝木勝乘脾肺為脹滿即東垣所謂脾胃之上不之火木大勝致脹也此不言火况怒傷肝者豈無火動耶所出大半夏湯以桂附中加參歸以調血氣言其脉弦遲恐非肝氣尅脾臟閉腑鬱病也

論腹脹屬濕

內經云太陰所至為畜滿又云太陰所至為中滿霍亂吐下又云諸濕腫滿皆屬脾土

按發明辨云脾為陰中之太陰又云脾為陰中之極陰乃為坤元亘古不遷之土天為陽也火也地為陰也水也在人則為脾同陰水之化脾有餘則腹脹食不化故無陽則不能化五穀脾盛乃大寒為脹滿故脉經云胃中寒則脹滿大抵此病皆水氣寒濕為之也治宜大辛熱之劑如土爰於雨水中則為泥矣豈能生化萬物必待和風暖日濕去陽生自然長

生矣脾濕有餘無陽則不能化五穀所以宜辛熱治之必愈然亦有輕重

論腹脹有熱有寒屬外感

東垣曰經云諸腹脹大屬熱此乃八益之邪有餘之證自天外
更感風寒之邪傳入于裏寒變為熱作胃實日晡潮熱大渴引
飲譫語是太陽陽明併病大實大滿者大承氣湯下之少陽陽
明微滿實者小承氣湯下之五常正大論云下之則脹已是也
假令痰瘧為脹滿亦有寒脹熱脹是天之邪氣傷暑而得之不
即時發至秋暑氣衰絕而瘧病作矣知其寒也局方交加飲子
是也豈不聞素問及靈樞經中說內虛不足中寒濕令人中滿
及五臟六腑俱有脹滿更以張家寒熱多少較之胃中寒則脹

滿陰陽應象論云滿氣在上則生腹脹針經云脹取三陽三陽
者之太陽膀胱寒水為脹與通評虛實論中說腹暴滿按之不
下取太陽經絡者胃之募正同五臟生成論云腹滿腹脹言見前
胃中寒濕過故也脉經所謂胃中寒則脹滿也又厥論云大
陰之厥則腹滿腹脹後不利不欲食食則嘔不得卧按所說寒
脹多如此湯液醪醴論中說中滿治此當開鬼門謂發汗也潔
淨府利小便也又云中滿者瀉之於內謂脾胃有病當令上下
分消其氣下焦如瀆氣血自然分化不待泄滓穢如或大實大
滿大小便不利從權以寒熱藥下之

論腹脹屬內傷所致

東垣曰或傷酒濕麪及味厚之物膏粱之人或食已便卧使濕

熱之氣不得施化致令腹脹滿此亦是熱脹調經篇云因飲食勞倦損傷脾胃始受熱中末傳寒中皆由脾胃之氣虛弱不能運化精微而致水穀聚而不散而成脹滿此寒濕鬱遏而脹也
醜醜論中治法謂先瀉其血絡後調其真經氣血平陽布神清此治之正也或曰諸腹脹大皆屬於熱者何也此乃病機總辭假令外傷風寒有餘之邪自表傳裏寒變為熱而作胃實腹滿仲景以承氣湯治之亦有膏梁之人濕熱鬱於內而成脹滿者此熱脹之謂也大抵寒脹多而熱脹少治之者宜詳辨之

論鼓脹屬濕熱

丹溪曰心肺陽也居上腎肝陰也居下脾居中亦陰也屬土經曰飲食入胃遊溢精氣上輸於脾脾氣散精上歸於肺通調水

道下輸膀胱水精四布五經並行是脾具坤靜之德而有乾健之運故能使心肺之陽降腎肝之陰升而成天地交之泰是為一平人今也七情內傷六淫外感飲食不節房勞致虛脾土之陰受傷轉運之官失職胃雖受穀不能運化故陽升陰降而成天地不交之否清濁相混隧道壅塞鬱而為熱熱留為濕濕熱相生遂成脹滿經曰鼓脹是也以其外雖堅滿中空無物有似於鼓膠固難治又名曰蠱若虫侵蝕之義理宜補脾又須養肺金以制木使脾無賊邪之患滋腎以制火使肺氣得清却厚味斷妄想遠音樂無有不安醫者不察急於作効病者茫然脹急喜行利藥以求通快不知覺寬得一日半日其腫愈甚病邪甚矣真氣傷矣古方惟禹餘糧丸又名石中黃丸又名紫金丸制

肝補脾殊為切當亦須隨證加減用之予友俞仁叔連年家難
年近五十得此疾自製萬餘粒丸服之其脈弦滿而數予曰此
丸新製煨煉之火邪尚存溫熱之藥太多宜自加減不可執方
俞笑曰此方不可加減服之一月口鼻見血色黑而面死又
楊兄年近五十性嗜酒病瘡半年患脹診其脈弦而無重則大
瘡未愈手足瘦而腹大如蜘蛛狀予教以參朮為君連歸川芎
為藥為臣黃連陳皮茯苓厚朴為佐生甘草此小作濃湯飲之
一日定三次彼亦嚴守戒忌一月後瘡愈又半年小便長而脹
愈中間須稍有加減大意只是補氣行濕又陳氏年四十餘性
嗜酒大便時見血春間患脹色黑而腹大形如鬼狀脈數而瀉
重似弱以四物湯加連朮木通白朮陳皮厚朴生甘草作湯與

之一月而安一補氣一補血餘藥大率相出入皆獲安或口氣
無補法今何補氣而獲安予曰氣無補法俗論也痞悶壅塞似
難於補不思正氣虛者不能自運經曰壯者氣行則愈弱者則
著而成病若不補氣邪何由行或曰子之藥審矣何効之遲也
病者將厭子之迂而求速效矣予曰此病之起或三五十年或十
餘年根深勢篤難求速効知王道者能治此病或曰脹病將終
不利耶予曰灼知其不虛病淺胃壯積滯不痼而又有可下之
證矣

按此論七情內傷六淫外侵致脹合東垣所謂八益之邪有
餘之證自外入也內傷勞倦虛損脾胃致不足之證自內
生也可見虛實之殊寒熱病機互有則用藥當有所據矣

論脹為諸氣所致

詳見氣證明

論脹為諸積所致

陳無擇云五積久而必心腹脹滿但內所因不待成積即致也亦當隨其臟氣而平治之

謹按脹滿屬寒或內傷或諸氣或因病數服通利藥脾胃虛而致者為其多屬濕熱者少至積成者亦其有之但古方多不分治如禹餘糧丸類燥熱氣血之劑於內鬱之火豈得不反有所助耶夫治是疾遇大實且滿燥實痞閉氣滯或始由內傷脈洪實者非下之不可然有服下劑過多或瀉痢後所至或素脾胃虛弱不能運化而成者皆宜補脾行濕蓋此際正氣已衰矣况積而脹乎故云平治之又如血畜血瘀致者當從血藥治之寒者熱之熱者寒之結者散之清濁混者分清之或升降其氣或消導皆宜適事為故可也

論濁氣在上則生腹脹

內經云清氣在下則生飧泄濁氣在上則生腹脹此陰陽反作病之逆從也發明曰夫腹脹者以寒熱溫涼論之此何脹也曰此飲食失節為脹乃受病之始也濕熱亦能為脹右關脈洪緩而沉弦脈浮於上是風濕熱三氣相合而為病也是脾胃之令不行陰火亢甚乘於脾胃盛則左遷而陽道不行是六腑之氣已絕於外太盛能令母實風氣外絕風氣外絕者是穀氣入胃清氣營氣不行便是風氣也異呼同類即胃氣者是也經云虛

則無其所勝土不勝者肝之邪也是脾胃之土不足火亦大勝者也經云濁陰出下竅濁陰走五臟濁陰歸六腑濁陰歸地此平康不病之常道反此則為脹也經云飲食不節却 告不時者陰受之陰受之則入五臟入五臟則膜滿閉塞調經論云下脘不通則胃氣熱熱氣熏胸中故內熱下脘者幽門也人身之中上下有七衝門皆下衝上也幽門上衝吸門吸門者會厭也衝其吸入之氣不得下歸於胃肝為陰火動相拒故咽膈下通致濁陰之氣不得下降而大便乾燥不行胃之濕與客陰之火俱在其中則腹脹作矣治在幽門使幽門通利泄其陰火潤其燥血生益新血幽門通利則大便不閉吸門亦不受邪其膈咽得通膜脹腹滿俱去矣是濕陰得下歸地矣故經曰中滿者瀉之於內此法是也

論下之則脹已

發明曰西北二方地形高寒經曰陰者其精奉於上其寒在外故曰寒則氣浮知陰之寒涼西北二方之氣為主用也異法方宜論云北方之人臟寒生滿病亦謂適寒涼者脹皆秋冬之氣也在人則為肺腎冬天之時寒涼在外六陽在於坤土之中坤土者人之脾胃也五臟之病外寒則必內熱脈經所謂五臟脈小皆為消瘴之病消瘴者消穀善飢北方之地無不能食者此也陰勝陽虛下之則愈正謂此也病機云諸腹脹大皆屬於熱下之則脹已此理悉矣

謹按脹主下之一法亦大畧言爾故出方宜之論若泛用之

多住往腹脹是失運化之職也。然是證雖主於下，蓋病因寒熱積濕氣血機本不同於治可不為分例云。

脹滿門

調理之劑

局方紫沉通氣湯治三焦氣滯不能宣通腹脹便澁方氣證門
濟生紫蘇子湯治憂思過度致傷脾胃心腹脹滿喘促煩悶腸
鳴氣逆漉漉有聲大小便不利脉虛緊而瀉

蘇子兩 大腹皮 草果仁 半夏

厚朴製 木香 陳皮 木通

白朮 枳實 人參 甘草各半兩

右咬咀每四錢入姜棗煎

按此二方手足太陰之劑也

三因大半夏湯治肝氣不平勝尅於脾脾鬱不行結聚涎沫閉

於臍氣胸氣不舒胃則脹滿其脉弦逆故知中虛胃冷脹滿
服此可下氣進食

半夏洗 桂心各五錢 附子 人參

甘草炙 厚朴製 當歸 茯苓

枳實炒各三錢 川椒炒去毒

右剉每四大錢入姜棗煎

高餘糧丸治由滿氣脹喘滿及水氣脹

蛇含石三兩煨 真針砂五兩 高餘糧三兩同上炒

已上三物為主其次量入虛實入下項藥

木香 牛膝 蓬朮炮 白茯苓

桂心 川芎 白豆蔻 茴香炒

三稜

羌活

茯苓

乾姜

青皮

陳皮

附子炮

當歸 各半兩

右為末拌勻以湯浸蒸餅去水搗勻丸如梧子大每五十九空心溫酒下

按此治寒脹消積藥也氣血之劑陰陽之氣下陷者可照故存之與前方立是太陰例

東垣木香順氣湯治濕氣在上則生腹脹

木香 三分

厚朴 四分

青皮

陳皮

益智仁

茯苓

澤瀉

乾生姜

半夏

吳茱萸

湯洗各二分

當歸

五分

升麻

柴胡

各分

草豆蔻

蒼朮

三分

右以咀水煎

按此是太陽陽明厥陰藥也

木香塌氣丸治中焦腹脹

羅白子炒

陳皮 各五錢

胡椒

草豆蔻 煨

木香

青皮 各三錢

蝎梢 去毒二錢半

右為細末水糊為丸梧子大每三十九溫米飲下忌服油膩白粥百日量人大小與服陰囊腫用青鹽乾姜白麩為末水調貼之

中滿分消湯治中滿寒脹寒疝大小便不通陰躁足不收四肢厥逆食入反出下虛中滿腹中寒心下痞下焦躁寒沉厥奔豚不收並宜服之

益智仁

半夏

茯苓

木香

升麻 各三分

吳茱萸

草豆蔻

黃芪 各五分

川烏頭

澤瀉

人參

青皮

當歸

生薑

麻黃

柴胡

乾姜

黃連

畢澄茄

黃柏 各三分為熱因寒用

右咬咀只作一服水煎

按此二方治寒脹之劑也

廣茂瀆堅湯治中滿腹脹內有積塊堅硬如石令人坐卧不安

大小便澀滯上氣喘促通身虛腫

厚朴

黃芩

益智仁

草豆蔻

當歸 各五錢

黃連 六錢

半夏 七錢

廣茂

升麻

紅花

吳茱萸 各五錢 甘草 生

柴胡

澤瀉

神麴

青皮

陳皮 各三錢

渴者加乾薑 四錢

右咬咀每七八錢水煎食前溫服

中滿分消丸治中滿鼓脹氣脹水氣脹大熱脹

黃芩

黃連

枳實 炒

半夏 製合五錢

姜黃

白朮

人參

甘草 炙

猪苓 各錢

生乾姜

白茯苓

砂仁 各一錢

厚朴 兩

知母 四錢

澤瀉

陳皮 各三錢

右為細末水浸蒸餅為丸梧子大每百丸焙熟白湯下食後

寒因熱用故焙服

按此並治熱脹之劑也又濕熱之藥

攻下之劑

三田七物厚朴湯治腹滿發熱脉浮數飲食如故脹滿者為熱脹

厚朴炒兩

甘草炙

大黃煨各三錢

枳實炒半兩

桂心一分

右為末每四大錢入姜棗煎嘔者加半夏

按此治熱之劑陽明例藥也

簡易是齋推氣丸治三焦痞塞氣不升降腹脹

檳榔

陳皮

黃芩

大黃

枳實

黑牽牛等分

右為末煉蜜丸梧子大每五七十九臨睡湯下量虛實與服

楊氏消脹丸

木香

黑牽牛

蘿蔔子炒

檳榔

右等分為末水糊丸梧子大每三十九

宣明肉豆蔻丸治食痼腹脹如鼓不食者病可下

肉豆蔻

檳榔

輕粉各錢

黑牽牛兩兼頭末

右為末糊為丸如菉豆大每服十九二三十九煎連翹湯下

食後日三服

按此並氣分藥也

雞屎醴散治心腹脹滿旦食不能暮食致令胃逆鼓脹證

大黃

桃仁

雞屎醴

乾者等分

右為末每一二錢水煎入姜食前服

按此血分藥也

東垣沉香海金沙丸治一切積聚脾濕腫脹肚大青筋羸瘦

海金沙一錢半 沉香二錢 輕粉一錢 牽牛末一兩

右為末獨蒜如泥為丸如梧子大每三十九煎白沸燈心通

草湯量虛實與服

海金沙散治脾濕太過腹脹如鼓

方見濕門

按此二方治濕之劑也

沉香交泰丸治濁氣在上干擾清陽之氣宛而不伸以為臌脹

沉香 白朮 當歸各三錢 厚朴五錢

枳實炒 吳茱萸洗 白茯苓 澤瀉

陳皮 青皮 木香各錢 大黃酒浸兩

右為末湯浸桑餅為丸梧子大每五十加至七十九溫湯送下

按此分消之劑也氣血之藥

三花神佑丸治一切腫病大腹實脹喘滿

方見濕門

按此治濕熱之藥也

治積聚之劑

澹寮三稜煎丸治心腹堅脹脇下緊硬胸中痞塞喘滿

京三稜半斤 而末以酒三升銀器內熬成膏 青皮

蘿蔔子炒

神麩炒各兩

麥蘖炒三兩

礪砂二兩

乾漆炒

杏仁炒各半兩

右為末以膏子丸如梧子大每三十九食後溫米飲下

導氣丸治諸氣痞塞關膈不通腹脹如鼓大便虛秘

青皮

用水銜炒

莪朮

蟲炒

三稜

乾漆炒

檳榔

斑猫炒

茱萸

牽牛炒

乾姜

礪砂炒

附子

鹽炒

赤芍

川椒炒

胡椒

面香炒

石菖蒲

桃仁炒

右各剉與所同炒藥熟去水蛭等不用只以青皮等十件為

末酒糊為丸如梧子大每五九至七九空心紫蘇湯下

塌腫神應丸治諸蠱毒腹脹

方見積聚門

按此並治積聚導氣散鬱之劑也又能入血分

謹按已上攻治諸方皆有輕重所宜之製宜對證選用不得

少差致有實實虛虛之失也發明曰禁服論云約方猶約囊

也囊滿弗約則輸泄方成弗約則神與氣俱未滿而知約之

可以為工不可以為天下師此聖人所以退太過而進不及

以平為期也大凡氣味者有毒無毒固宜常制矣是以大毒

治病十去其六常毒治病十去其七小毒治病十去其八無

毒治病十去其九餘以穀肉果菜合養盡之至如君一臣二

奇之制也君二臣四耦之制也近而奇耦制小其服遠而奇

耦制大其服大則數少小則數多則九之少則二之補上

治上制以緩補下治下制以急急則氣味厚緩則氣味薄下

不以耦汗不以竒隨其邪之所在高下淺深輕重虛實影翹皆
無間萬舉萬全是謂中行故可為師也假如病大而湯劑小
則邪氣少屈而藥力已乏欲不復治其可得乎猶一杯之水
救一車薪之火竟不能滅是謂不及故不可為師而可以為
工矣小而湯劑大則邪服已盡而藥有餘力欲不傷正何所
容哉猶火炎崑岡玉石俱焚莫之能止是謂太過此又不可
以為工是乃粗醫也三者之論惟中而已過與不及皆為偏
廢然而太過尤甚於不及何以明之蓋失之於姑息邪復勝
正者止於勞而無益猶可勉而適中或失於苛暴則正氣被
傷因而羸瘠者有之危殆者有之滅亡者有之非徒無益而
又害之此所謂尤甚也可不戒哉嘗者仲景之書於承氣條
下攻裏則曰若更衣止後服於桂枝湯後發表乃云藜藜微
汗益佳不可令如水淋漓本乎軒岐之微旨有所得耳

卷之二十六

玉機微義卷之二十七

喉痺門

論喉痺為火熱所致

原病式曰喉痺痺木仁也俗作閉由閉塞也火主腫脹故熱客上焦而咽噎腫脹也

子和曰內經云一陰一陽結謂之喉痺王太僕曰一陰者手少陰君火心主之脈氣也一陽者手少陽相火三焦之脈氣也二脈並絡於喉氣熱則內結結甚則腫脹腫脹甚則痺痺甚而不通則死矣夫推原十二經惟足太陽別下項其餘皆湊于喉龍然內經何為獨言一陰一陽結為喉痺蓋君相二火獨勝則熱結正絡故痛且速也不謂一言可了者火是也故十二經中言噎

乾益痛咽腫頤腫舌本強皆君火為之也惟喉痺急遠相火所為也夫君火者猶人火也相火者猶龍火也八火焚木其勢緩龍火焚木其勢速內經之言喉痺則咽與舌其兩間耳然其病同於火故不分也後之醫者各詳其狀強立八名曰單乳蛾雙乳蛾單閉喉雙閉喉子舌脹木舌脹纏喉風走馬喉閉熱氣上行故傳於喉之兩傍近外腫作以其形似是謂乳蛾一為單一為雙也其比乳蛾差小者名閉喉熱結於舌下復生一小舌子名曰子舌脹熱結於舌中舌為之腫名曰木舌脹木者強而不柔和也熱結於咽喉腫遠於外且麻且痒腫而大者名曰纏喉風喉痺暴發暴死者名曰走馬喉痺此八種之名雖詳若不照之火則相去遠矣其微者可以鹹熨之而大者以辛散之今之

醫者皆有其藥也如薄荷烏頭殭蚕白礬朴硝銅礮之類也至於走馬喉痺何待此乎其生死人反掌之間耳其最不誤人者無如砭針出血血出則病已易曰血去惕出良以此夫昔予治一婦人木舌脹其舌滿口諸醫不愈令以銚針小而銳者砭之五七度腫減三日方平計所出血幾至盈斗又治一男子纏喉風腫表裏皆作藥不能下予以涼藥灌於鼻中下十餘行外以拔毒散傳之陽起石燒赤與伏龍肝各等分細末之日以新水掃百遍三日熱始退腫始消又嘗治一貴婦喉痺蓋龍火也雖用涼劑而不可使冷服為龍火宣以火逐之火者烹飪之火是也乃使爆於烈日之中登于高堂之上令侍婢携火爐坐樂鈔于上使藥常極熱不至大沸通口時時呷之百餘次龍火自散

此法以熱行寒不為熱病杆格故也大抵治喉痺用針出血最
為上策但人畏針委曲旁求瞬息喪命凡用針而有針創者宜
搗生姜一塊調以熱白湯時時呷之則創口易合銅人中亦有
灸法然痛微者可用病速者恐遲則殺人故治喉痺之火與救
火同不容少待內經火鬱發之發謂發汗然咽喉中豈能發汗
故出血者乃發汗之一端也後之君子母執小方而曰吾藥不
動臟腑又妙於出血若幸遇小疾而獲効不幸遇大病而死矣
毋遺後悔可也

論喉痺為傷寒所致

龐氏曰經云伏氣之病古方謂之腎傷寒謂非時有暴寒中人
伏毒氣於少陰經始衰不病旬月乃發脉微弱法當咽痛似傷
非喉痺之病次必下痢

謹按少陰傷寒一二日病乃不自太陽傳也因之經不足而
卒中寒寒邪抑鬱內格陽氣為熱上行於咽門經會之處寒
熱相搏而痛或心喉痺為醫不察脉證虛實即用寒涼之劑
攻治卒致殞沒而患者自謂其分嗚呼冤哉殊不知少陰病
咽痛及生瘡不能言聲不出者藥用甘苦辛溫制其標病以
通咽噤至若傷寒伏氣內發咽痛兼下利清穀裏寒外熱面
赤脉微弱者用辛熱之藥攻其本病以順陰陽利止則水升
火降而咽痛自無也此非雜病一陰一陽結為喉痺之比不
可妄施針砭及寒涼之藥且夫火熱之動為病急遽子和論
治已詳然傷寒伏氣為病咽痛或腫本陰寒厥甚逼熱上行

其喉為痺逼熱下行必便膿血此標熱而本寒也仲景自有
治例故子和畧之不議若是則火熱喉痺腫甚者急用藥吹
點或刺少商合谷豐隆湧泉關衝等穴以解脈絡之結輕者
向與甘辛涼劑降火制其標本亦不可使用苦寒之藥攻治
倘有內寒格熱為病吾恐反增其勢矣

論喉痺為痰飲所致

詳見痰飲門

論喉痺為氣逆所致

詳見氣門

論喉痺為風燥所因

陳無擇云風燥皆使喉痺咽腫則不能吞乾則不能嚥多因飲

啖辛熱或復嘔吐咯傷致咽系乾枯之所為也與喉門自別又
有懸門暴腫閉塞喉嚨亦如喉閉但懸壅在上腭俗謂鶯翁又
謂之鶯來俗語聲訛不可不備識

吹點藥

濟生二聖散治纏喉風急喉痺

鴨腎膽礬 二錢半

白殭蚕 炒去絲茸半兩

右為末每用少許以竹管吹入喉中

白礬散治急喉閉

白礬 三錢

巴豆 二箇去殼作六瓣

右將礬於鉢內慢火熬化為水其巴豆其內候乾去巴豆取礬研為末每用少許吹入喉中立愈

楊氏一字散治時氣纏喉風漸入咽塞水穀不下牙關緊急不省人事者

雄黃 研

錫梢

白礬 枯

藜蘆

猪牙皂角

文各等分

右為末每用一豆大鼻內嚙之立效

三因玉鑰匙治風熱喉閉及纏喉風

焰硝 一兩半

鵬砂 二兩

腦子 一字

白殭蚕 一錢

右研勻以竹管吹半錢許入喉中立愈或加雄黃二錢名金

鑰匙

宣劑

三因解毒雄黃丸治纏喉風及喉痺卒然仆倒失音不出聲或

牙關緊急者

雄黃 一兩

巴豆 去油十四箇

麝香 一錢

右研醋糊丸菉豆大熟茶清下七丸吐出頑涎即甦省未吐
再服至如死者亦以物斡開口灌之下咽無有不活者吐洩
此小不妨

丹溪方用射干汁和逆流水吐之 用桐油以鵝翎蘸探吐之
用燈火油脚吐之

治熱之劑

局方龍腦雞蘇丸治上焦熱咽腫噎痛

方見熱門

潘察牛蒡子散治風熱上壅咽喉腫痛或生乳蛾

牛蒡子研

玄參

升麻

桔梗

犀角

黃芩

木通

甘草 各等分

右吹咀每半兩水煎入生姜二片

拔萃桔梗湯治熱腫喉痺

桔梗

甘草

連翹

梔子

薄荷

黃芩

右為吹咀入竹葉煎

百一選方治咽喉腫閉

山豆根洗淨新汲水浸少時

右以一塊入口中含之嚥下苦汁未愈再用

治火之劑

局方碧雪

涼膈散

方並見火門 絳雪見下

御藥院麝香朱砂丸治咽喉腫閉或作瘡或舌根腫痛者

馬牙硝 青白二錢

鉛白霜 三錢 鵬砂 三錢

龍腦 三錢 寒水石 燒 麝香 二錢 朱砂 一兩半

甘草 十兩 散膏

右研極細用膏子和丸如桐子大朱砂為衣每含化一二丸
一法減鉛霜麝香甘草只五味名絳雪散

龍麝聚聖丹治心脾客熱毒氣攻衝咽喉腫赤疼痛或成喉癰
或結硬不消愈而復發經久不差或舌本腫脹滿口生瘡

川芎 二兩 生地黄 犀角屑 羚羊角屑

南琥珀 南玄參 連翹 各半兩 人參

赤茯苓 馬牙硝 腦子 麝香 各三錢

桔梗 升麻 鉛白霜 研各半兩

朱砂 牛黃 各研 南鵬砂 研兩 金箔 五十片

右末煉蜜丸每兩作十九金箔為衣以薄荷湯化下或細嚼
或含化之

按已上諸方有輕重之分宜隨證選用

治風之劑

局方如聖勝金錠子治咽喉急閉腮頰腫痛并單蛾雙乳蛾結
喉重舌木舌並皆治之

硫黃 細研 川芎 膈茶 薄荷葉

川烏炮 硝石 生地黄 各等分

右為末生葱汁搜和為錠每服先用新汲水灌嗽次嚼薄荷
五七葉却用藥一錠同時發爛以井花鹽下甚者連進三服
并含之即安

木事方利膈湯治脾肺有熱虛煩上壅咽喉瘡腫

薄荷葉

荊芥穗

防風

桔梗

人參

牛蒡子炒

甘草各等分

右咬咀每半兩食後水煎服

治寒之劑

仲景半夏湯治傷寒寒相搏咽痛或聲不出者

半夏

桂枝

甘草炙等分

右咬咀每七八錢或半兩水煎放冷細細熱之

按本論咽中傷生瘡不能言聲不出者少陰證用苦酒湯或
桔梗等方皆可選用

三因蜜附子治膈寒咽閉吞吐不利

大附子

一箇去皮臍切作大片蜜塗炙令黃

右每含嚥津甘味盡更以附片塗蜜炙用

治痰之劑

王隱君礞石滾痰丸治痰執咽噎腫痛不利

桔梗半夏湯治痰氣不降咽腫欲成喉痺者

方並見痰飲門

三因玉粉丸治寒痰壅結咽喉不利語聲不出者

半夏

洗五錢 草烏一字炒 桂一字

右末生薑自然汁浸蒸餅丸如雞頭大每大人一丸至夜含
化多年不愈亦有效針經中說寒氣客於會厭卒然如啞此
藥王之

卷之二十七

玉機微義卷之二十八

淋閼門

小便不禁附

胞痺附

淋閼脉證

脉經曰少陰脉數婦人則陰中生瘡男子則氣淋 熱結下焦
則令人淋閼不通淋之為病小便數如粟狀小腹弦急痛引臍
中

論淋證主熱

原病或曰淋小便澀痛也熱客膀胱鬱不能滲泄故也或曰小
便澀而不通者為熱遺尿不禁者為冷豈知熱甚客于腎部干
及之厥陰之經廷孔鬱結極甚而氣血不能宣通則痿痺而神
氣所用故液滲入膀胱而旋溺遺失不能收禁也經云日得血

而能視臟得血而能液腑得血而能氣夫血隨氣運氣血宣行則其中神自清利而應機能為用矣又靈樞經曰腎主二陰然水衰虛而怫熱客其部分二陰鬱結則痿痺而神無所用故澁便遺失而不能禁止然則熱證明矣是故世傳方論雖曰冷淋復用榆皮黃芩瞿麥茯苓通草雞蘇郁李仁梔子之類寒藥治之而已其說雖妄其方乃是由不明氣運變化之機宜乎認是而為非也或謂患淋而服茴香益智滑石醇酒溫藥而愈者然則非冷歟不知此皆利小便之要藥也蓋醇酒益智之性雖熱而茴香之性溫滑石之性寒所以能開發鬱結使氣液宣通熱散而愈也

按此只是論熱因處治然寶鑑曰小便不利其治有三不可槩論津液偏滲於腸胃大便洩瀉而小便澀少者宜分利而已熱傳下焦津液則熱熱而不行者必滲泄則愈脾胃氣澀不能通調水道下輸膀胱而化者故可順氣令施化而出矣可見非止於熱因也况有標本不同有論見後大抵三因謂大率有五者總病機言也以氣為本者氣行而水自化也亦氣血之謂然有得之於胎氣者丹溪云鄭憲使子年十六生七箇月後得淋病五七日必一作其發則大痛水道下如漆和粟者一盞方定脉之輕則瀉重則弦視其形瘦而長色青如蒼意其必因其父服下部藥遺熱在胎留於子之命門而然遂以紫雪和黃柏末丸梧子大晒及乾熱湯下百丸半日又下二百丸食物壓之又半日痛大作連腰腹水道乃行下

漆和栗者被許痛減十之八後張子中與陳皮一兩桔梗木
通各半兩又下一合許而安父得燥熱尚能病子况母得之
者平書此以證東垣紅絲瘤之事 云云見婦人門

論淋澀主寒

寶鑑曰痺論云胞痺者小腹膀胱按之內痛若沃以湯澀於小
便上為清涕夫膀胱為州都之官津液藏焉氣化則能出焉今
風寒濕邪客於胞中則氣不能化出故胞滿而水道不通其證
少腹膀胱按之內痛若沃以湯澀於小便以足太陽經其直行
者上交額上入絡腦氣下灌於鼻竅則為清涕也

按此則知淋澀有寒熱之殊大抵人之所稟虛實受病不同
宜參脈理分治

論淋澀分三因

陳無擇云淋古謂之癘名稱不同也癘者罷也淋者滴也古方
云心腎氣鬱致小腸膀胱不利復有冷淋濕淋熱淋等屬外所
因既言心腎氣鬱與夫驚思恐憂即內所因况飲啖冷熱房室
勞役及乘急忍溺多致此病豈非不內外因也大率有五曰冷
曰熱曰膏曰血曰石五種不同皆以氣為本

嚴氏曰五淋氣石血膏勞是也氣淋為病小便澀常有餘瀝石
淋莖中痛尿不得卒出膏淋尿似膏出勞淋勞倦即發痛引氣
衝血淋遇熱即發甚則溺血候其鼻頭色黃者小便難也大抵
此證多由心腎不交積蘊熱毒或酒後房勞服食熱燥七情
結所致癘閉淋澀為病皆一類也

按此云五淋名各不同故兩存之然石淋世俗又名沙石淋
子和曰世人多為服金石燥熱之劑得之常見農家有此證
豈是服金石之人也大抵是膀胱蓄熱而成此疾如湯瓶久
在火中煮瓶底白碱而不能去沙石淋之證與此理同其論
最為得矣內經云少腹熱澀出白液亦甚似之也
論小便不利氣病血病之異

發明曰難經云脉有關有格何謂也然關則不得小便格則吐
逆關者甚熱之氣格者甚寒之氣是關無出之由故曰關格無
入之理故曰格也按寒在胸中遏絕不入熱在下焦填塞不便
內經曰人迎大四倍於氣口名曰格氣口大四倍於人迎名曰
關關則不得小便格則吐逆夫小便者是足太陽膀胱所主三

生於申申者西方金也故金能生水金者肺也肺中伏熱水不
能出是絕小便之源也人輔相天地膀胱之源自頭項下三於
之故曰陽中之陰如渴而小便不通者不得降是也故聖人之
法皆用清燥金之正化氣薄之藥茯苓澤瀉琥珀燈心通
草車錢子瞿麥篇竹之類皆為滲淡之藥能瀉肺火而清肺金
滋水之化源也若熱在下焦是絕其流而溺不泄也須用氣味
俱厚陰中之陰藥治之長安工善夫病小便不通漸成中滿腹
大堅硬如石壅塞之極腿脚腫脹裂裂出黃水雙睛凸出晝夜
不得眠飲食不下痛苦不可名狀伊戚趙謙甫請予求治視歸
從夜至旦耿耿不寐究記素問有云無陰則陽無以生無陽則
陰無以化又云膀胱者州都之官津液藏焉氣化則能出矣此

病小便癃閉閉是無陰而陽氣不化也凡利小便之藥皆淡味
滲泄為陽止是氣藥陽中之陰非北方寒水陰中之陰所化者
也此乃奉養太過膏梁積熱損北方之陰腎水不足膀胱腎之
室久而乾涸小便不化火又逆上而為嘔噦非膈上所生也獨
為關非格病也潔古云熱在下焦填塞不便是治關格之法今
病者內關外格之病悉具死在旦夕但治下焦可愈隨處以稟
北方寒水所化大苦寒之味者黃柏知母桂為引用丸如桐子
大沸湯下二百丸少時來報服藥須更如刀刺前陰火燒之痛
溺如瀑泉湧出卧具皆濕床下成流顧盼之間腫脹消散予驚
喜曰大哉聖人之言豈可不遍覽而執一者也其證小便閉塞
而不渴時見躁者是也凡諸病居下焦皆不渴也二者之病一
居上焦在氣分而必渴一居下焦在血分而不渴血中有濕故
不渴也二者之殊至易分別耳

謹按或問肝主小便淋澀今治法主腎何也然大凡病便數
者多腎經氣虛而然淋澀者有標本之分氣熱鬱結則膀胱
津溢主約不利為本病小腹痛不得便下焦氣脈實而不利
是客約不行為標病傷寒變極者遺洩全且視是少陰腎先絕
也故此三經干於下部為病非獨肝也或脾肺之氣不能通
謂水道下輸膀胱清氣不降皆能為癃閉腎氣虛而濁氣不
升虛熱干於厥陰之絡陰廷痿痺而神無所用乃旋溺頻數
人老年來多有此患矣腎虛極則水涸火熾真氣散而死也
或曰若久寡居之人病便數者豈腎氣虛之不為約乎然是

金為火鑠土為水濡腑臟兼體相資之道失濕熱甚而經脉
縱緩亦成斯疾也觀先哲用腎氣丸等以收精氣之虛脫為
養氣滋腎伐火導水使機關利而脾土健實之意是焉若全
指為虛寒處治者是則一槩論也

論小便不禁或瀉為下焦虛實不同

內經曰胞移熱於膀胱則癃溺血膀胱不利為癃不約為遺溺
注曰膀胱為津液之腑水注由之然足三焦脉實約下焦而不
通則不得小便足三焦脉虛不約下焦則遺溺也靈樞經曰足
三焦者太陽之別也並太陽之正入絡膀胱約下焦實則閉癃
虛則遺溺

王海藏曰因有盧氏醫鏡見姜附石脂硃砂丹一藥味數分兩

皆同惟丹砂一味用伏火者及治病有差所治者小便數而不
禁怔忡多忘魘夢不已之不同耳其不同者審而詳之乃得此
之治決不差耳泛舉之言腎主大便肝主小便淋澀難經云小
腸為赤腸是面赤色及便溺赤色者皆出心與小腸南方赤色
顯於外也經言下焦如瀆者正謂大小便也大便為陰為有形
乃下焦之下者也腎臟為病主大便不言大腸者明矣子行父
之道小便為氣所化乃下焦之高者也謂肝主小便淋澀亦是
子行父道為腑病諸氣化者皆腑諸有形血化者皆臟病所主
此腑言膀胱病此二證俱在下焦則同藥有形無形及在臟在
腑有殊俱是丹田衰憊不言心火者以其相火化行君之令故
也細分之則膀胱壬水勝丙小腸者是不傳陰則陰不病何為

有形病此為陰之體也為腑之用也天地陰陽反為體用以斯可見是明五臟者為六腑所用六腑者為五臟所用明矣是有形皆為傳陰也夫小便不禁是膀胱不約為遺溺此不傳陰也是丹田胞絡受寒為壬所尅大抵諸腑皆盛有形物有形病皆在腑責其所來皆在臟也用伏火硃砂者去其寒邪耳治法同者以其俱在下焦補諸無形同在胞絡且以其胞與腎相對有故也腎主大便肝主小便所治安得不殊

按此論遺溺為經虛之本病也然亦有誤服涼劑太過而致者如東垣曰立夏前誤用白虎湯過多致遺溺者宜溫藥升陽以解之是也故用藥者當審誅無過之戒

謹按丹溪先生曰淋證多主於氣証亦有死血作淋者小便

不通實執者當利之因氣者宜吐之以提其氣氣升則水自下蓋氣承載其水也痰多者用二陳湯先服後吐痰氣閉塞者二陳加木通香附探吐一男子病小便不通醫用利藥而加刺先生曰此積痰病也積痰在肺肺為上焦膀胱為下焦上焦閉則下焦塞譬如滴水之器必上竅通而後下竅之水出焉乃以法大吐之吐已病如失然此可見癰淋又不獨主於經病也

淋關門 小便不禁附

治淋澀之劑

金匱腎氣丸治腎虛小便淋澀及婦人子淋

方見補虛門

錢氏遺精赤散治心經蘊熱小便赤澀或成淋痛

方見熱門

局方五淋散治膀胱有熱水道不通淋澀不出或尿如豆汁或

成沙石或如膏或熱拂便血

赤茯苓 各錢 山梔子 各錢 當歸

甘草 各五錢

右咬咀每半兩入燈心水煎

木香火府丹治小便赤少及五淋澀痛

木通 黃芩 各兩 生地黃 二兩

右為末煉蜜丸如梧子大每五十九丸木通湯下

濟生小薊飲子治下焦結熱尿血成淋

生地黃 小薊根 通草 滑石

山梔仁 蒲黃 炒 淡竹葉 當歸

藕節 甘草

右等分為咬咀每半兩水煎空心服

琥珀散治五淋澀痛小便膿血

琥珀 海金沙 沒藥 蒲黃 各研

右各一兩和勻每三錢食前煎萱草根湯調下日二服

按已上諸方並血分藥也

局方八正散治小便熱淋澀痛

清心蓮子飲治小便濁或澀

方並見熱門

立効散治下焦熱結小便黃赤淋悶疼痛或有血出

瞿麥穗 兩 甘草 三分 山梔 炒去皮半兩

右末每五錢入葱白燈心姜煎食前時時服

濟生地膚子散治諸病後體虛觸熱熱結下焦遂成淋病小便

赤澀數起少出

猪苓

地膚子

知母

黃芩

海藻

通草

瞿麥

枳實炒

升麻

葵子

右艾咀每半兩水煎入姜

按已上方又氣中之血藥也

海金沙散治小便淋瀝及下焦濕熱氣不施化或五種淋疾癢

閉不通

海金沙研 亦通

瞿麥穗

滑石

通草各兩 杏仁 去皮尖兩

右末每五錢水煎入燈心二十根

寶鑑茯苓琥珀湯治小便數而欠淋流脉沉緩時時帶數

五苓散加琥珀 半兩

滑石 七分

甘草 三分

右細末每五錢長流水煎服食前

按已上並氣分藥也

局方石菴散治膀胱有熱水道不通淋瀝不出臍腹急痛蓄作
有時勞倦即發或尿如豆汁或出沙石

芍藥

白朮

滑石

葵子

當歸

瞿麥各三錢

石菴

木通各二錢

甘草

王不留行

右為末每二錢空心小麥湯調下

按此血中之氣藥也與已上並治熱之劑

三因生附散治淋而脉沉微小便秘澁數起不通竅中痛

附子

滑石各半兩

瞿麥

木通

半夏各二兩半

右為末每二錢入姜三片燈心二十莖桑平匙水煎食前服

按此治熱之劑也

治癰腫之劑

東垣滋腎丸治下焦陰虛脚膝無力陰汗陰痿足熱不履地不

渴而小便閉

黃柏

酒洗焙

知母

酒洗焙各二兩

肉桂

二錢

右為末水丸如桐子大每服百丸加至二百丸煎百沸湯送

下

白朮散治小便不通膀胱蘊熱

朴硝

右末每二錢煎香湯調下食前

黃巴上並血分藥也

清肺散治渴而小便閉或黃或澀

五苓散加琥珀 半錢

燈心 一分

木通 七分

通草 一分 車前子 炒分 瞿麥 半錢

篇蓄 七分

右為細末每五錢水煎含口煎服作湯亦可

紅林散治小便不通止喘

紅林根 二兩 篇蓄 二兩半

燈草 一百根 三寸長

右吹咀每五錢長流水煎服

按口上並氣分藥也

黃芩清肺飲治肺燥而小便不通

黃芩 一錢 梔子 三箇 打碎

右吹咀長流水煎服不利加鹽豉二十粒

滋陰化氣湯治因服熱藥過多小便不利諸藥不效或臍下悶

痛難忍

黃連

黃柏 各炒

甘草 炙等分

右吹咀每五錢水煎食前服如不通加知母

按此二方助陰藥也

治胞痺之劑

千金方茯苓丸治胞痺小便肉痛

赤茯苓

防風

細辛

白朮

附子 炮

澤瀉

官桂 各兩

天花粉

紫苑

牛膝 酒浸

黃芪

芍藥

甘草炙各三分 生地黄 山茱萸 山藥

獨活 半夏各分

右末寒无梧子大母十九温酒送下食前

巴戟丸治胞痺臍腹痛小便不利

巴戟志二兩 素馨娟 麩炒黑 遠志 志 山芋

生地黄 附子炮 續斷 肉苁蓉酒浸各二兩

杜仲炒 石斛 鹿茸 酥炙 龍骨

兔絲子酒浸 五味子 山茱萸 桂各分

右十六味細末蜜丸梧子大每三十九空心酒下

腎瀝湯治胞痺小腹急小便不利

麥門冬 木通 桔梗 桑白皮

杜仲炒 犀角屑 五加皮各兩 赤芍 五錢

右呖咀每五錢水煎加羊腎一箇竹瀝少許

宣明腎者湯治胞痺證小腹膀胱按之內痛去涎以湯澀於小

便上為清涕不止者

赤茯苓 白朮各四兩 甘草炙三兩 乾姜炮二兩

右為末每五錢水煎温服日三

按此四方當分寒熱之異選使然腸痺亦有腹痛瀉泄小便

秘澁者宣明論有證治例詳見本論又可見小便不利非止

胞痺為患也

治淋瀝不禁之劑

后乃二氣丹治内虛裏寒膀胱積冷陽漸微小便不禁

硫黃研

肉桂 各一分

乾姜炮

朱砂為衣各二錢

附子

一錢大者炮去皮臍為末半兩

右為末糊丸如梧子大每五十九粒鹽湯下食前

姜附赤石脂朱砂丹治小便數而不禁怔忡多忘履鬼夢不已

附子生

乾姜 各半兩

赤石脂

一兩水飛 朱砂 一兩研

右為細末酒糊為丸如棗豆大每十五至二十九粒大便有

病米飲下小便不禁茯苓湯下

按此二方助陽之劑也

御藥院方秘元丹治內虛寒寒自汗時出小便不禁

白龍骨

訶子

砂仁

靈砂

右為末煮糯米粥丸如梧子大每五十九粒空心鹽酒下

按此固陽之劑也

濟生兔絲子丸治小便多或致失禁

兔絲子

牡蠣煨

附子炮

五味子

鹿茸

酒浸二兩

雞胫

多乾 桑螵蛸

酒浸各半兩

右為末酒糊丸如梧子大每七十九粒空心鹽湯溫酒任下

三因家韭子丸治下元虛冷小便不禁或成白濁

家韭子

酒浸

菴菴

牛膝

熟地黃

當歸

巴戟

去心

兔絲子

杜仲

石斛

桂心

乾姜

炮各二兩

右為末酒糊丸如梧子大每百九粒空心湯酒任下

按此一方助陽滋陰之劑也

茯苓丸治心腎俱虛神志不守小便淋瀝不禁

赤茯苓 白茯苓 等分

右為末以新汲水按洗澄去新沫控乾別取熟地黃汁與好酒同於銀石器內熬成膏搜和丸如彈子大空心薑酒費下一丸

按此滋陰固真之劑也

雜方

瘡家無錫銷散治小便頻數或如稠米泔也

赤錫銷 治米久遠志 皂莢 龍骨

人參 茯神 當歸 鱉甲 醋炙各等分

右為末每二錢臨卧人參湯送服

王子丸治小便頻數時有白濁

虎絲子 酒蒸家韭子炒 益智仁 茴香炒

蛇床子 去皮炒等分

右為末酒糊丸如桐子大每之十九丸米飲薑湯任下

治小便不通諸藥無效或轉胞至死此法用之便自出用猪尿

胞一箇底頭出箇小竅兒着翎筒通過放在竅內根底細線繫定翎筒口子細杖子堵定上用黃蠟封尿管口頭吹滿氣

七分繫定了再用手捻定翎筒根頭放了昔蠟堵塞真翎筒放在小便頭放開翎筒根頭手其氣透裏自然小便即出大有神効

灸小便淋瀝法炒鹽不以多少熱填滿病人臍中是神關穴也

却用筋頭灸七炷灸七壯良驗或灸三陰交穴
一法小水閉澁以猪膽連汁籠在小便少時汁入自出
婦人用藥末罨袋子安入陰戶中必通

卷之二十八